


梅氏尚書平 一二三

侯菴經集 六



泐水全書卷之十六

泐水 丁鏞 著

梅氏書平一

昔余遊學京師。竊聞師友。往往疑梅氏尚書二十五篇。文體卑順。心服其言。逮應講內閣。課至禹貢。遂遭大故。尚記乾隆壬子之春。入侍于

興政堂。誦禹貢訖。

睿獎隆洽。玉音諄復。時

聖上潛心經籍。博詢時英。有尚書條問數百餘條。縷縷致意於今文古文之辨。而賤臣寢苫在家。未有條對。至今

吞恨何者。

聖人既沒。無緣質問此謏聞也。竊以梅氏之書。蒼萃羣言。裒成一家。至言格訓。誠亦不少。然其蒐輯之時。如兌命太誓之本標篇名者。以之爲兌命太誓。誰曰不可。至於夏書周書之但標時代者。書曰書云之原無標別者。分隸各篇。雜以僞言。苟成文理。以篡聖經之名。則凡愼思明辨者。在所研覈。故朱子曰。某嘗疑孔安國書是假書。又曰。孔書至東晉方出。前此諸儒。皆未之見。可疑之甚。又曰。書凡易讀者皆古文。難讀者皆今文。又曰。伏生尸授。如何偏記其所難。而其易者。全不能記也。又曰。豈有

數百年壁中之物。不訛損一字者。

語類疑古文語尚有四十餘條今不盡錄

夫自漢唐以來。篤好古經。未有如朱子者。豈其起疑於無疑。欲毀無瑕之至寶哉。梅氏之書。誠有可疑。故朱子不得不疑之耳。況德不孤。必有鄰。前乎朱子。有吳才老棧。後乎朱子。有吳幼清澄。皆另有成書。痛辨其偽。攻梅氏。豈唯朱子已哉。至蕭山毛氏奇齡之書。出其侮謾詆訾。無復餘地。乃云古文之冤。始于朱氏。而所著古文尚書冤詞八卷。橫說豎說。累千萬言。自言曰。我衛聖經。言既如是。亦何必苦尸力戰。以取毀經之罵哉。但其本意。非衛聖經。凡朱子所言。務欲觝排。以自立幟名。雖自鳴志。

殊不正。凡秉心公平者。在所必辨。然其考據環譎。辯論豪快。非精研密核。未易折角。且凡議讞之法。貴在乎允。漢人所謂廷尉平是也。彼有何冤。謹譟噴薄。我本無事。應之以平。亦以逸待勞之義也。於是取朱子所以起疑之端。平心訂議。名之曰梅氏書平。凡九卷。

總敘

古今尚書之學。總有三本。其一。伏生所傳今文尚書。二十

九篇。

經二十八篇
書序一篇

出於漢文帝時者也。其二。孔安國所獻

古文尚書。四十六卷。

與伏本同者二十九卷
多者十六篇
偽太誓一篇

出於漢武

帝時者也。其三。梅賾所奏稱孔安國古文尚書。五十八篇。

與孔本同者三十三篇增多者二十五篇出於東晉時者也。伏生今文之學。二

於晉懷帝永嘉之亂。見隋書孔氏古文之學。中墜厥緒。官學

旋廢。建武之際。杜林傳之。賈逵、馬融、鄭玄之等。作為訓傳。

為世所宗。至唐而亡。後漢書隋書唐書梅氏所自言古文之學。晉

元帝時首立學官。晉書荀崧傳唐太宗時。孔穎達作正義。南宋

之時。蔡沈作集傳。今所行世者是也。又漢成帝時。張霸偽

造尚書一百二篇。所謂百兩篇獻于朝廷。當時隨卽見黜。漢書儒林

傳此其大略也。乃孔氏正義。蔡氏集傳。調護為說。不辨真

偽學者。既無以分別源委。乃毛氏冤詞。頤洞錯亂。眩惑多

端。觀者迷焉。今取三本源流。疏理如左。

伏生所傳今文尚書第一

史記儒林傳云。伏生。濟南人也。

伏生名勝

故為秦博士。孝文帝

時。欲求能治尚書者。天下無有。乃聞伏生能治。欲召之。是

時。伏生年九十餘。老不能行。乃詔太常掌故鼂錯。往受之。

秦時焚書。伏生壁藏之。其後兵大起。流亡。漢定。伏生求

其書。亡數十篇。獨得二十九篇。即以教于齊魯之間。節伏

生教。濟南張生。及歐陽生。歐陽生教千乘兒寬。

又見鼂錯傳

鏞案。二十九篇者。經二十八篇。書序一篇。

當時書序列為一篇。未嘗

分冠于各篇後人或疑一篇。是偽太誓者。非也。

漢書藝文志云。易曰。河出圖。洛出書。故書之所起遠矣。孔

子纂焉。上斷於堯。下訖於秦。凡百篇。而為之序。言其作意。秦燔書禁學。滄南伏生。獨壁藏之。漢興亡失。求得二十九篇。以教齊魯之間。

鋪案百篇之序。伏壁原有之。故班固錄之如此。後儒不

察。每云百篇之序。孔本獨有。亦疎矣。

伏生有百篇之序。故帝告九共嘉禾。

之等伏生書大傳歷歷言之。

漢書儒林傳云。歐陽大小夏侯氏學。皆出於倪寬。歐陽

生。

字和伯。

千乘人也。事伏生。授倪寬。寬又受業孔安國。

案孔安國

本亦弟今文。

寬授歐陽生子。世傳至曾孫高高孫地餘。為博士。

由是尚書。世有歐陽氏學。夏侯勝。其先夏侯都尉。從滄

南張生受尚書以傳族子始昌始昌傳勝勝又事東郡簡

卿簡卿者倪寬門人勝傳從兄子建建又事歐陽高由是

尚書有大小夏侯之學武帝立五經博士初書唯有歐陽至宣帝時復立大小夏侯尚書

鏞案兩漢儒林之傳其傳伏生之學者支分派裂不可

盡紀皆出於歐陽大小夏侯三家今並略之

漢書藝文志尚書經二十九卷師古曰此伏生傳授者傳四十一篇

即伏生之傳歐陽章句三十一卷後漢書又有牟氏章句四十五萬餘言大小夏

侯章句各二十九卷大夏侯勝建大小夏侯解故二十九卷

孝宣時三家並立學官歐陽說義二篇又劉向五行傳記十一卷許商五行傳記一篇

鏞案後漢末蔡邕所勒石經是伏生今文見孔氏正義

隋書經籍志云。永嘉之亂。晉懷帝之末歐陽大小夏侯尚書並

亡。又云。淫南伏生之傳。唯劉向父子所著。五行傳是其本法。而又多乖戾。

鏞案。東京以降。大小夏侯已微。唯牟融習大夏侯。又有吳良

張劭等。王良習小夏侯。而歐陽氏寢亦不振。光武之時。朱

普桓榮皆習牟氏章句。其後榮子郁典及楊震張奐之

等。綿綿不絕。並見後漢書至東漢之末。馬鄭古文之學大盛。

而三家皆廢。故至晉而遂亡。

孔安國所獻古文尚書第二

史記儒林傳云。伏生教淫南張生。及歐陽生。節是後魯周

霸孔安國。洛陽賈嘉。諡之頗能言尚書事。皆伏孔氏有古

文尚書。而安國以今文讀之。因以起其家。逸書得十餘篇。蓋尚書滋多於是矣。

鏞案。孔安國本亦伏生門徒。故伏生死後。兒寬受業於安國也。逸書十餘篇。卽所謂增多十六篇。

漢書藝文志。尚書古文經四十六卷。為五十七篇古文尚書者。

出孔子壁中。武帝末。魯共王壞孔子宅。欲以廣其宮。而得

古文尚書及禮記論語孝經。凡數十篇。皆古字也。共王往

入其宅。聞鼓琴瑟鍾磬之音。於是懼乃止不壞。孔安國

者。孔子後也。悉得其書。乃考二十九篇。得多十六篇。汨作九共

等安國獻之。遭巫蠱事。未列于學官。劉向以中古文校

歐陽大小夏侯三家經文。酒誥脫簡一。戶誥脫簡一。率簡二十五字者。脫亦二十五字。簡二十二字者。脫亦二十二字。文字異者。七百有餘。脫字數十。

鏞案。論衡云。孝景帝時。魯共王壞孔子教授堂。得百篇。

尚書於牆壁中。

正說篇

參攷五宗世家。則武帝之末。魯共

王卒已久矣。論衡以為景帝時似長。

琴瑟鍾磬之說。亦史記所無。

四

十六卷者。與伏生今文同者二十九篇。增多者十六篇。

偽太誓一篇。

當時盛行。故附入古文。中決非壁中本有偽太誓。

合之為四十六

卷也。班固自注曰。五十七篇者。孔氏古文。盤庚分為三

篇。顧命分為二篇。

為康王之誥。

九共本。是九篇。細剖其數。則

五十七篇也。

本經二十八篇。盤庚分出者二篇。顧命分出者一篇。增多二十四篇。偽太誓一篇。皆

未及分

又按先儒皆以古文為倉頡古文。

見孔氏正義

則中古

文者。史籀之大篆也。

易之興也。其於中古者。西周也。

古文今文。邈然

遼絕。乃取中古之篆文。上視古文。下視今文。參伍譯解。

乃知其同異也。○又按劉向所校。不過二十九篇。二十

九篇。僅以伏氏經文校讎同異。餘十六篇。津梁既斷。無

緣比對。故當時無所討論也。

荀悅漢紀云。魯共王壞孔子宅。得古文尚書多十六篇。武

帝末。孔安國家獻之。會正蠱事。未列于學官。劉向別錄

云。古文書十六篇。

詳見左傳序正義

馬融書序云。逸十六篇。絕無

師說見孔氏正義

朱竹垞

彝尊

云孔子世家言安國蚤卒

為武帝博士至臨淮太守卒

安國傳稱安國受書于伏生

伏生年九十餘安國雖最幼年已十五六

天漢

之後改元太始

季已七十二征和二年巫蠱事發安國

年七十七矣尚得謂之蚤卒乎當依漢紀增家字為是

荀紀云孝成帝三年劉向典校經傳云武帝時安國家獻之則知安國已逝而其家獻之也

鋪案

十六篇者汨作九共等增多於伏本者也文字遼絕無

可梯接所以無師說也○又按漢書云魯人高堂生為

漢博士傳儀禮十七篇是今文也

今所行儀禮

武帝之末魯

共王壞孔子宅得儀禮五十六篇皆以篆書是古文也

古文十七篇。与高堂生所傳者同。而字多不同。其餘三十九篇。絕無師說。秘在于館。見士冠禮疏尚書十六篇之絕無師說。如儀禮三十九篇之絕無師說。欲辨今文古文之源委者。空与儀禮比對也。

家語云。孔騰字子襄。以秦法峻急。藏尚書孝經論語於夫

子舊堂壁中。

顏師古注漢紀尹敏傳云孔鮒所藏二說不同未知孰是

○孔穎達云。太

常蓼侯孔臧。即安國之從兄。与安國書云。舊書潛于屋壁。

歛爾復出。古訓再申。臧間尚書二十八篇。取象二十八宿。

何圖乃復有百篇耶。

太誓疏

鏞案。孔叢子亦以孔鮒

襄兄字子魚

為藏書之人。錄其與陳

餘

成安君

問答之言。殊不合理。豈有畏禍藏書之人。先以

宣洩外人之理。孔藏之書。亦孔叢子所載也。百篇之序。

伏亦有之。故漢書藝文志明云。孔子作百篇之序。而伏

生壁藏之。

上甲三

百篇之序。不自安國始也。今孔臧之書。

有若安國之前。都無百篇之名。此豈西京人所言哉。孔

叢子者。東晉時贗書也。

家語亦王肅門徒之所修潤非信書也

本與梅書

並出。以爲梅書之外。援朱子謂同出一手。誠哉言也。

漢書劉歆傳云。歆欲建立古文尚書。列於學官。移書博士

曰。伏生尚書。初出屋壁。朽折散絕。太誓後得。博士集而讀

之。古文尚書十六篇。天漢之後。孔安國獻之。臧於秘府。伏

而未發。哀帝時歆欲建立毛詩逸禮古文尚書諸博士或不肯歆移書責之曰魯恭王壞孔子宅欲以為宮

而得古文於壞壁之中逸禮有三十九書十六篇安國獻之遭巫蠱倉卒之難未及施行孝成皇帝乃發秘臧校

理舊文以考學官所傳經或脫簡傳或間編傳問民間則有膠東庸生之遺學与此同抑而未施此乃有識者之所

惜閔士君子之所嗟痛也往者綴學之士不思廢絕之關呂尚書為備豈不哀哉古文舊書皆有徵驗外內相應豈

苟而已哉書入諸儒皆怨光祿大夫龔勝惡之願乞骸骨罷大司空師丹亦大怒奏歆改亂舊章非毀先帝所立

上尸歆欲廣道術亦何以為非毀哉歆由是為眾儒所訕懼誅求出補吏為河內太守

鏞案。孔氏所獻本四十五篇。藝文志並計偽太誓此云一篇故云四十六卷

十六篇者。藏於秘府。伏而不發者十六篇。餘則布在於

人間也。○又按經或脫簡者。尚書逸禮之謂也。酒誥有脫

簡見傳或間編者。詩傳左傳之謂也。當時無詳觀全文。

可知也。

漢書儒林傳云。孔氏有古文尚書。孔安國以今文字讀之。

因以起其家。逸書得十餘篇。

襲用史記文

安國授都尉朝。而司

馬遷亦從安國問。故遷書載堯典禹貢洪範微子金縢諸

篇。多古文說。

都尉朝授膠東庸生。

即庸譚見後漢書

庸生授清

河胡常。

字少子

常授號徐敖教授王璜。

字子中

平陵塗暉。

字子真

暉授河南桑欽。

字君長

王莽時諸學皆立。

劉歆為國師。璜暉

等皆貴顯。乃莽廢官學。仍不行。

又贊云平帝時為立古文尚書

鏞案。以今文字讀之者。二十九篇。

与伏本同者

餘十六篇。既

無今文。不能讀也。因以起家者。文字異者。七百有餘。且

其論道釋義自成一家。與伏氏門戶不同。故謂之起家。

公穀鄒左。非有別篇之春秋。齊魯韓毛。非有增數之雅

頌也。○又按司馬遷十歲誦古文。從安國問書。此時孔書未及

獻而其為古文說者。止於堯典禹貢洪範微子金縢諸

篇。則仍是二十八篇之文而已。唯所言湯誥在十六篇外內又湯征在十六篇外

即所謂十六篇者。安國當時亦不能讀。若其平易可讀。

如今說命太誓。則安國必能盡讀。司馬遷亦必載之於

史記矣。

後漢書儒林傳云。光武初尹敏。字幼季初習歐陽尚書。既而

受古文。汝南周防。字偉公師事徐州刺史蓋豫。受古文尚書。

撰尚書雜記。三十二篇。四十萬言。至肅宗朝。有詔高才生

能受古文尚書者。魯國孔僖。字仲和自安國以下。世世傳古

文不絕。拜郎中。陳留楊倫。字仲理師事司徒丁鴻。習古文

尚書。講學大澤中。弟子至千餘人。陽嘉二年。拜大中大夫。

與將軍梁商不合。以病免。又孫期字仲戎。涇陰人也。少習

游京師學古文尚書。洪範五行。京氏易古文尚書。又周磐少

鏞案。尹敏周防之學。不知淵源。大抵璜暉之支流也。孔

僖家傳之學。亦不過屬讀分章而已。誠若有論誤文字。

劉歆傳問民間之時。何無一個孔氏。獻其家學。而使膠

東庸生。獨擅其名乎。○又按孔僖者。安國之血胤也。肅

宗崇慕古文。博訪高才。孔僖既應是舉。至拜郎中。誠使
乃祖真有書傳。藏之中衍。傳子孫孫。梅書大序文獻之朝廷。
列于學官。此其時也。鴻毛遇順。翼彼天衢。何憚而不為
也。

傳者。

下文即書梅氏事

○

鑄案。

秘府所存。即前劉歆所言。藏於秘

府。伏而未發者也。

上乙

民間講習。皆今字翻寫之本。其

孔氏本所獻。古篆原經之出於壁中者。猶藏秘府。至隋

而無傳也。

亡失

故史官特書之。以見梅賾之書。無所考

校而相徵也。

別書杜林傳古文尚書事第三

後漢書杜林傳云杜林字伯山扶風茂陵人光武徵拜侍御

史林前于西州得漆書古文尚書一卷常寶愛之雖遭艱

困握持不離身出而示東海衛宏濟南徐巡林流離兵

亂常恐斯經遂絕何意復能傳之是道竟不墜地雖不合

時務然願諸生無悔所學宏巡益重之於是古文遂行又云

林少好學沈溪家既多書又從外氏張竦受學博學多聞時稱通儒○儒林傳云衛宏從杜

林受古文尚書作訓旨光武以為議郎時滎南徐巡師事宏後從林受學

鏞案漢書藝文志有杜林蒼頡訓纂一篇蒼頡啟一篇

西溪叢語云杜鄴九長小學鄴子林好古其正文字過於鄴故言小學者宗杜林蓋其所學淡

於古文。故上溯蒼頡。爲之訓詁。雖入於小學家流。其實
古文尚書釋文也。其所得漆書。亦古文未獻之前。依其
字樣。漆寫于繒帛。倉頡文以存本面者。故愛之寶之。猶恐
墜失。若是。今字傳謄之本。何至珍惜如是。○又按杜林
尚書之學。其師友淵源。卽張竦。賈徽。劉歆。鄭興。衛宏之
等。見本傳及儒林傳直抵於王璜塗暉。乃都尉朝膠東庸生之
嫡傳也。其傳衛徐兩生之語。悽婉感慨。半宣半吞。是其
中別有隱痛可知。其云前于西州得之者。隱其來路也。
璜暉貴顯之時。得于西京。今王莽旣誅。光武龍飛。敢云
得之於璜暉乎。官學旣廢。事見前舊遊零落。璜暉古文之

學。便作禁方。唯茲漆書一卷。異於篇簡之麤。卷者捲團也。猶紙為

卷

頻年困阨。不忘握抱之誠。其云流離兵亂。常恐斯經

遂絕者。淵源既污。宗緒易墜也。其云不合時務。無悔所

學者。璜暉之學。為世所擯。進無所用。退無所講。苟非好

古衛道之人。鮮不改悔也。上下數十餘言。其哀愴沈鬱

之情。溢於辭表。其書之出於璜暉。無疑也。後漢書暉作暉

後漢書儒林傳云。賈徽受古文尚書於塗暉。達悉傳父業。

肅宗。章帝特好古文尚書。建初元年。詔達入講北宮。扶風

杜林。傳古文尚書。同郡賈逵。為之作訓。馬融作傳。鄭玄作

註解。由是古文尚書。遂顯於世。孔疏亦云。孔所傳者。膠東庸生。劉歆。賈逵。馬融等所

傳是也

鄭玄從東郡張恭祖受古文尚書。以山東無足問者。乃西入關。因盧植。事扶風馬融。後註尚書。節由是古文尚書遂顯于世。

鏞案賈逵之學本出塗惲。而乃為杜林漆書作訓。則杜林漆書之本出塗惲。又明甚。塗惲者都尉朝之嫡傳也。乃衛宏訓旨。賈逵書訓。馬融書傳。集大成於鄭玄。則杜林古文之為世所宗久矣。其為孔安國之嫡統。又何疑哉。

後漢書盧植傳曰。植

字子幹

涿郡人也。少與鄭玄俱事馬融。

能通古今學。熹平後

熹平後時

作尚書章句。時始立太學石經。

以正五經文字。植乃上書曰。臣願得能書生二人。共詣東觀。專心精研。合尚書章句。刊正碑文。古文科斗。近于爲實。而壓抑流俗。降在小學。中興以來。通儒達士。班固賈逵。鄭興父子。並敦說之。宜置博士。爲立學官。

會南夷叛。植出爲廬江太守。

鑄案。孔氏古文。曾於平帝元始三年。莽奏立博士。每經

各五人。逸禮古書。通知其義者。皆詣公車。王莽傳。莽誅而

官學亦廢。其後光武以衛宏能治古文之故。召拜議郎。

而官學未復。至是。熹平時。已一百五十餘年。而范陽廬植

始復請立學官。又未施行。

陳壽魏志。王朗傳云。

王肅父。

王肅。

東海郡人。字子雍。

初善賈馬之學。

而不好鄭氏。采會異同。爲尚書解。節皆列于學官。○晉書

荀崧傳云。元帝時。修學校。簡省博士。置周易王氏。句尚書

鄭氏。句古文尚書孔氏。即梅氏博士各一人。荀崧爲太常

太興四年

鑪案。王肅書註。雖與鄭玄不同。旣善賈馬之學。則仍是

杜林之本。即孔氏古文。至曹魏之時。再立官學矣。至於

鄭玄之註。其立學官。似在西晉之時。元帝時。乃簡省員

數。非創置也。此時梅書已行。豈有創立鄭學之理。特以

舊立之故。許其並存耳。然且鄭氏單稱尚書。孔氏乃稱

古文尚書。即梅書新間舊。賤妨貴。勢已成矣。

隋書經籍志。馬融註尚書十一卷。鄭玄註尚書九卷。王肅
註尚書十一卷。又云。後漢扶風杜林傳古文尚書。同郡
賈逵。馬融。鄭玄。爲之作傳註。然其所傳。唯二十九篇。又雜
以今文。謂伏本非孔舊本。節梁陳所講。有孔鄭二家。齊代唯
傳鄭義。至隋孔鄭並行。孔即梅氏也而鄭氏甚微。

鏞案。杜林之書。本為都尉朝之嫡傳。而馬鄭之學。接於
杜林。則是孔安國主鬯之孫也。隋書病其所傳。唯二十
九篇。然孔氏之書。能有師說者。本不過二十九篇。安國
所讀二十九篇。漢書藝文志所論二十九篇。劉歆校書
之時。校之以歐陽夏侯二十九篇。二十九篇。非馬鄭之

過也。餘十六篇。安國之所不讀。劉歆之所不校。故馬融

書序曰。逸十六篇。絕無師說。今以二十九篇。疵馬瑕。鄭

不亦難乎。

史記漢書皆云安國得古文以今文讀之。隋餘十六篇既無伏生今文。安國自不能讀。

書撰定之時。梅書之行于世。已二百餘年。增多二十五

篇。眼慣耳熟。反執真實無偽之書。病其略少。○又按隋

書病其經字。雜以今文。此又不通之論也。鄭玄註經之

法。本取今文古文。從其善者。故儀禮十七篇。其高堂生

所傳者。謂之今文。其孔安國所獻者。謂之古文。而鄭玄

通執二文。擇其善者。或從或違。士冠禮布席闌西之註

曰。古文闌為槩。此從今而存古者也。其孝友時格之註

曰。今文格爲韻。此從古而存今者也。

十七篇皆用此例

彼此兩

備。優劣胥顯。注經之法。莫此爲良。其注尚書。亦必主之

以古文。參之以今文。舍短取長。如於儀禮。而今乃病之

曰。雜以今文。非孔舊本。豈公言乎。儀禮之註。參用高堂

而後讀禮者。未嘗云參以今文。非孔舊本。何獨於尚書

之註。以此爲病乎。尚書儀禮。今古出沒。情同理均。毫無

差殊。而於彼則宗之。於此則病之。將唯梅氏之書。是孔

舊本乎。失之遠矣。

世方信之曰。是孔舊本。故茲乃斥之。曰。非孔舊本。自此以前。皆以杜林漆

書爲孔舊本。又可推也。

梅賾所奏孔傳尚書第四

晉書曰。晉太保公鄭冲。以古文授扶風蘇愉。字休預愉授天

水梁柳。字洪季即皇甫謐外弟也。柳授城陽臧曹。字彥始曹授

郡守子汝南梅賾。字仲真賾為豫章內史。遂於前晉奏上其

書而施行焉。

鑄案孔穎達正義引晉書如此。然今考晉書無此文。

朱氏尊曰。鄭冲在高貴鄉公之時。已拜司空。講尚書与

鄭小同。孫玄之俱被賜。使得孔氏增多之書。何難上進。其

後官至太傅。几杖安居。備極榮遇。與孔邕曹羲荀顗何

晏共集論語訓註。奏之于朝。何獨孔書秘而不進。高貴鄉公

即魏主髦

晉書皇甫謐傳云謐從姑子外弟梁柳得古文尚書故作
帝王世紀往往載孔傳五十八篇之書

鑄案孔氏正義引晉書如此然今考晉書無此文皇甫謐傳

無此語○朱氏彝尊曰孔傳謂堯死壽百十七歲世紀則云

堯年百十八歲孔傳謂舜壽百十二歲世紀則云舜年

百歲案中問歷試卽位等事皆不相合今略之孔傳釋文命謂外布文德教

命世紀則云足文履已故名文命字高密孔傳釋伯禹謂

禹代縣為崇伯世紀則云堯封為夏伯故謂之伯禹所

述多不相符竊意謐亦未見孔氏古文者也案世紀所述或與梅

書相符則是又梅書之所攢取不必云士安見梅書且梅書太甲嗣湯而世紀則外丙仲壬之後太甲乃立亦

不合

隋書經籍志云。晉世秘府所存。有古文尚書經文。今無有

傳者。節至東晉。豫章內史梅賾。始得孔安國之傳。奏之。左傳

襄三十一年疏云。東晉元帝時。梅賾獻書。又志。古文尚書十三卷。今字尚書

十四卷。又云。漢武帝時。壞孔子宅。得其末孫惠所藏之

書。家語稱孔襄。漢紀稱孔安國得古文。以今文校之。得二

十五篇。其泰誓。與河內女子所獻不同。安國並依古文。開

其篇第。以隸古字寫之。合成五十八篇。作傳。會平蠱起。不

得奏上。安國遂私傳其業于都尉朝。朝授膠東庸生。生授

朗常。謂之尚書古文之學。

鏞案。孔安國以考今文得多十六篇。累見前諸文歷然。今

忽云得增二十五篇。何據矣。古文尚書四十六卷。爲五十七

篇。昭載漢藝文志。今忽云五十八篇。何據矣。兩漢諸史

皆無安國作傳之語。諸史皆云安國獻之。荀紀云安國今

忽云作傳而不得奏上。何據矣。都尉朝膠東庸生之嫡

傳。下抵于塗惲。已見前杜林賈逵寔得其宗。公諸一世。無

所隱秘。今忽云私傳其業。何據矣。膠東庸生誠有所受

之孔傳。劉向劉歆傳問民間之時。成帝時庸生何不獻之

此皆悠悠之說。不可立也。

陸德明經典釋文云。梅賾上孔氏傳古文尚書。云舜典一

篇時以王肅註頗類孔氏故取王註從慎徽五典以下為
舜典以續孔傳○孔疏云梅賾上孔氏傳猶闕舜典多用
王范之註補之而皆以慎徽以下為舜典之初玄德升
聞下

鑄案梅氏割分堯典以作二篇所以克鄭玄本五十八

篇之數也

鄭本三十四篇又
逸書二十四篇

既又思量故缺一篇以應

藝文志五十七篇之文

班固
自注

必缺此舜典者堯典一部

渾然天成文理接續分則分之而未易取信

時無二
十八字於

是模糊漫漶闕其傳註以作然疑之案其計至密其機

至巧也○又按取王注補之者晉元帝太興四年梅氏

之書始立學官

上
八

其博士等取以補之也范甯又是

晉末人其取范註似在蕭齊時姚方興二十八字補入
之後也。今所行汲古閣本肆類上帝之節有馬云王云
之註此係陸氏釋文誤刊在此又非前人所補

建武彞典考第五

隋書經籍志云梅賾始得安國之傳奏之又闕彞典一篇

節

齊建武彞典姚方興于大桁市建康地名得其書奏上比馬

鄭所註多二十八字

曰若稽古帝舜曰重華協于帝濬哲
文明溫恭允塞玄德升聞乃命以位

○孔疏云齊蕭鸞建武四年吳興姚方興於大航頭得孔
氏傳古文彞典亦類太康中書乃表上之事未施行方興
以罪致戮至隋開皇初購求遺典始得之

鏞案當時之人號此彞典曰建武彞典所以別之於孔

壁所出十六篇中舜典也。于市得之者諱其根也。萬人聚市不知誰出也。不荒唐乎。○又按類太康中書者謂字畫典雅。籤帶華麗。或似晉武帝太康季間內府所藏書籍樣子。非謂太康中書。本有孔氏傳古文尚書也。○又按梅氏孔傳。本是偽撰。缺者故缺。非有脫失。姚氏孔傳。又自偽撰。非果得梅之所失也。蕭齊時其書遂亡。今所行舜典之傳。仍是王范之註。補綴成篇者。非姚之所獻。王范本作姚之所獻。今不過二十八字。自晉元帝初獻。堯典注武四年已一百八十季。梅氏遺篇何以存矣。此是另作一篇。非梅之所失。今所行二十八字之註。華謂文德玄謂幽潛等又是隋人所補。

陸氏釋文云。齊建武中。姚方興采馬王之註。造孔傳舜典一篇。言於大航頭買得上之。梁武時為博士。議曰。孔序稱伏生誤合五篇。皆文相承接。舜典益稷盤庚中下所以致誤。舜典首曰。若稽古。伏生雖昏老。何用合之。遂不行用。鏞案。此論一出。雖蒙士亦可悟矣。方興雖不被誅。二十八字。其不立矣。

河內泰誓考第六

漢書藝文志云。尚書古文經。四十六卷。為五十七篇

鏞案。四十六卷者。二十九篇。其一篇書序十六篇。增多者太誓

一篇也。安國既得壁書。又取偽太誓時行者。以古文寫

之。附入其中。故班固並錄如此。晉李顥尚書集註。於僞
太誓。每引孔安國之說。見孔氏太誓疏以此觀之。僞太誓之附
入古經。本安國所為。而司馬遷亦而信而錄之。於周本
紀也。

劉向別錄云。武帝末。民有得泰誓於壁內者。獻之。與博士
使讀說之。數月皆起。傳以教人。劉歆移書太常博士曰太誓後得○馬融

書序云。泰誓後得。案其文似若淺露。引古書所引太誓五事以明其僞見太誓

論鄭玄書論云。民間得泰誓。孔本太誓一篇鄭本太誓三篇王肅云。泰誓

近得。非其本經。陸氏釋文云泰誓本非伏書司馬遷以武帝之世見泰誓之出而得行因入于伏生

所傳之內

鑄案武帝之前早有泰誓故伏生書大傳稱八百諸侯

俱至盟津白魚入舟又董仲舒引書曰白魚入于王舟

偽太誓之行蓋已久矣或云伏生董生引偽太誓如墨子孟子引古太誓今不見全文

民間太誓如梅氏太誓得依此以造前篇然則孔安國所說太誓即伏生所

說藝文志所載卷數或係都尉朝以下後學之所增也

先儒稱安國蚤卒則武帝未太誓非安國所能收也

後漢紀云獻帝建安十四年黃門侍郎房宏等所說宣帝太和元年是泰和當河

內女子壞老屋得古文泰誓三篇論衡云宣帝時河內女子發老屋得逸易禮尚

書各一篇奏之宣帝下示博士然後易禮尚書各益一篇而尚書二十九篇始定矣又云泰誓掘地所得

鑄案泰誓總有五本古經真本久已亡滅者一左傳墨子孟子

之所伏生孔安國所嘗論說者二。白魚入舟事武帝末得之

民間者三。

此太誓只是一篇附入於孔氏古文

宣帝時河內女子所得者

四。

此太誓方是三篇鄭玄本乃此物

梅氏所獻今世所行者五。

古經多入此中

其二其三其四總謂之偽太誓而實非一本伏孔所說

若是此物武帝末所得何至博士讀之數月宣帝時所

得若是同本何必下示博士而壞屋掘地神異其事乎

史記書有三篇者皆言三篇太誓則不云三篇當時只一篇也漢書律歷志郊祀志刑

法志平當傳終軍傳及兩漢諸書其引偽太誓之文略

為蒐輯以資考辨今並略之○總之鄭玄之本句引偽

太誓而作部梅賾之本蒐采真太誓而成編

左傳國語禮記孟子

管子墨子荀子等所引。遂使一偽廢衆真。小善掩大惡。而砥璞既幻。雄雌誤洩。此尚書興廢之大端也。君子容一小人。而終致覆局之禍。奸人飾其外貌。而反竊睥面之名。豈不嗟哉。

隋書云。伏生口授二十八篇。又河內女子得泰誓一篇。此云

一篇者。統舉篇額。不細剖也。

鑪案。隋書之意。欲以河內太誓一篇。克伏壁二十九篇。

之額。大非也。

宣帝時新書無以克文。帝時舊額。

二十九篇者。書序一篇。

列其額也。

張霸偽書考第七

漢書儒林傳云。世所傳百兩篇者。出自東萊張霸。分析合二十九篇。以為數十。又采左氏傳書敘。為作首尾。凡百二篇。篇或數簡。文意淺陋。成帝時。求真古文者。霸以能為百兩徵。召中書校之。非是。霸辭受。父又有弟子尉氏樊並。時太中大夫平當。侍御史周敞。勸上存之。後樊並謀反。乃黜其書。

鏞策。漢成帝時。孔氏古文。既在秘府。安國家所獻而更求真

古文於民間。則孔氏之書。不見容於諸博士。可知。時只

氏今文博士黨同伐異已甚或其文字古奧。無以悉通。故更求別本

也。張霸之書。當時隨卽見黜。一字不播於人間。而今人

誤讀孔疏乃以孔壁十六篇為張霸所作見下謬甚張霸

有二後漢書又有一張霸字伯饒數歲知孝讓號張曾子永元中為會稽太守郡中爭厲志節道路但聞誦聲

與造偽之張霸不同也

上丙十

春秋說云書凡百二十篇。○尚書緯云璿璣孔子定書百

二十篇。

鄭玄云孔子得黃帝玄孫帝魁之書迄於秦穆公凡三千二百四十篇斷遠取近定為百二十篇

以百二篇為尚書十八篇為中候。

並見孔氏正義

鑄案百二篇應是自昔流傳之名。經文百篇。書序二篇

也。

周易十翼上彖下象分篇二篇書序二篇亦猶是也

伏生今文尚書篇目

堯典

今之舜典合為一

皋陶謨

今之益稷合為一

禹貢

甘誓

湯誓

上丁一

盤庚

三篇合一 有若德明 湯任父言卑應言等句

高宗彤日

西伯戡黎

微子

牧誓

洪範

金縢

大誥

康誥

酒誥

有王封

唯曰若圭 璧等句

梓材

召誥

洛誥

多士

毋逸

君奭

多方

立政

顧命

康王之誥合一

呂刑

文侯之命

費誓

秦誓

已上二篇 十八篇

書序一篇

不分冠各篇

共二十九篇

鋪案伏生尚書大傳引書有九共帝告等篇

九共篇引書曰予辯

下上使民平乎便民無傲帝告 篇引書曰施章乃服明上下

大傳之序有嘉禾掩誥

等篇

王應麟考異

則伏生之書不止二十八篇伏生亦有壁

藏亂定而還亡其書數十篇其中或有數句之記憶者

載之大傳也

書大傳所言學校之制及 它說多不雅馴未可尊信

大傳說堯典為

唐傳。引九共為虞傳。帝告為殷傳。則堯典曰唐書。皋陶

謨曰虞書。商書曰殷書。又可知也。堯典皋陶謨皆稱曰

舜死則明係夏史所作其可曰唐書乎詩云商頌則書曰殷書乎某書某書疑非夫子所定故二家各殊

史記所載尚書篇目

堯典

如喪考妣以上入堯本紀格于文祖以下入舜本紀

禹貢

皋陶謨

帝曰來以下不分

甘誓

五子之歌

胤征

已上夏本紀

○帝誥

湯征

女鳩

女房

湯誓

典寶

夏社

仲虺之誥

湯誥

咸有

一德

作於湯時序次與梅異

明居

伊訓

肆命

徂后

太甲

訓三篇

沃丁

咸艾

太戊

原命

盤庚三篇

小有文

說命

有事實無文

高宗彤日

高宗之訓

西伯戡黎

已上殷本紀

微子宋世 ○太誓齊世 牧誓 武成有事實似經文無分

殷之器物即分 鴻範宋世 金縢 大誥已上魯 微子之命

宋世 歸禾 嘉禾已上魯 康誥 酒誥 梓材已上衛

呂誥 洛誥 多士魯世 毋逸魯世 君奭燕世 多方 周

官魯世 立政魯世 賄息慎之命 顧命 康誥即康王 罔

命 甫刑已上諸篇皆入周本紀或有周本紀中 文侯

之命晉世 盱誓魯世 秦誓秦本 ○凡六十四篇其有序無

文者十三篇甘誓 湯征 湯誓 湯誥 高宗彤日 甫刑

文侯之命 其有文無序者八篇堯典 禹貢 微子 牧誓

金縢 有序無文者四十一篇五子之歌 胤征 帝誥 秦誓

仲勉之誥咸有一德明居伊訓肆命但后

太甲訓三篇沃丁咸艾太戊原命盤庚三篇

高宗之訓分殷之器物大誥微子之命歸禾

嘉禾康誥酒誥梓材召誥洛誥多方周

官立政肅命肅息煩之命有事實而有序無文者一篇即說

成有事實而無序無文者一篇即說

鑄案史記盤庚分為三篇顧命分為二篇此孔安國之

學也其太戊一篇又凡三篇者必云三篇太甲訓三篇

亦見書大傳

盤庚三篇是也太誓只是一篇故不言三篇藝文志亦

然四十六卷者太至河內女子獻書之後太誓始為三

篇誓只一卷故也

鄭玄所註古文尚書篇目

堯典今之舜典不分舜典非今之舜典也汨作九共九篇豪

猷大禹謨皋陶謨今之益禹貢甘誓棄稷非今之益

稷也古別五子之歌胤征已上虞夏書二十篇孔穎達云

馬融鄭玄王肅別題皆云虞夏書以虞夏同科雖虞事亦連夏

鏞案鄭本棄稷序在甘誓之下棄稷者太康時書也周

語云及夏之衰棄稷弗務不密用失其官史記亦載是

說周本紀棄稷之戒自一篇也梅本截取皋陶謨下半改

之為益稷並改其序文合之曰大禹皋陶謨益稷棄稷本序

遂滅無存孔氏正義亦不槩及序在禹貢之上亂經大矣今人謂棄名

稷官不空連稱遂以梅書為近理張華大司農箴云棄稷弗修不籍千畝此

本諸書
序而作

上丁
四

帝告 釐沃 湯征 汝鳩 汝方 夏社 疑至 臣

扈 湯誓 仲虺之誥 湯誥 咸有一德 明居 典

寶 伊訓 肆命 徂后 太甲三篇 沃丁 咸乂四

篇 伊陟 原命 仲丁 河亶甲 祖乙 盤庚三篇

說命三篇 高宗彤日 高宗之訓 西伯戡黎 微子

○己上商書四十篇

鏞案商書序次梅本益多變亂。湯誓在夏社之上典寶在虺誥之上咸有一德

在太甲之下 湯既克夏還亳作誥以戒萬邦其大義有二一

為民上者務樹功德。將以考實績 二安居民者乃為功德。將以

奠斯民於是。伊尹作咸有一德。咎單作明居。見史記以申原

誥之義。梅氏倒亂如此。則湯拯民水火之意。泯矣。伊所

言曰伊訓。高宗所言曰高宗之訓。則太甲訓者。史記作太甲訓

太甲之所言也。太甲修德之後。垂訓後嗣者也。今亦作

伊所訓可乎。

泰誓三篇。非梅本泰誓即河內女子所獻牧誓 武成 洪範 分器

旅獒 旅巢命 金縢 大誥 微子之命 歸禾 嘉

禾 康誥 酒誥 梓材 召誥 洛誥 多士 無逸

君奭 成王正 將薄姑 多方 周官 立政 賄息

慎之命 亳姑 君陳 顧命 康王之誥 畢命 君

牙 同命 蔡仲之命 費誓 呂刑 文侯之命 秦

誓○已上周書四十篇孔氏正義云百篇次第孔鄭不同

咸有一德在湯誥後第三十二蔡仲之命在費誓前第九十六周官在立政前第八十六費誓在呂刑前第九十七

鑄案鄭註尚書本之以孔壁古文參之以伏生今文兩

漢兩家之說集大成于鄭本今已亡矣唯據孔疏所記

序次如右其文字異同今不可詳

百篇之內鄭所注釋者三十四篇堯典 皋陶謨 禹貢

篇 高宗彤日 西伯戡黎 微子 泰誓三篇 牧誓 洪範 金縢 大誥 康誥 酒誥 梓材 召誥 洛

誥 多士 無逸 君奭 多方 顧命 康 王之誥 費誓 呂刑 文侯之命 秦誓 此隋書所

謂鄭玄作註不過二十九篇

鋪案。伏本二十九篇。包函書序一篇。鄭之書序。外於百

篇。則鄭玄作註。實不過二十八篇。隋書誤矣。前儒以偽太誓一篇

誤元二十九篇之數故隋書云然耳二十八篇。盤庚二篇。康王之誥一篇。

偽太誓三篇。共三十四篇也。

其自出壁之初絕無師說。鄭亦不註者二十四篇。舜典

九共九篇 咸有一德 典寶 伊訓 棄稷 五子之歌 胤征 湯誥

問此漢書所謂十六篇也 九共九篇故得增八算

鋪案。此二十四篇之目。出於鄭註書序。見正義此中唯伊

訓武成。見於劉歆三統曆。餘皆散亡。

其有序無文。或但有篇名之註者四十二篇。橐籥 帝告

汝鳩汝方夏社 疑至臣扈 仲勉之誥明居

祖后太甲三篇 沃丁咸又四篇 伊陟仲丁

命甲祖乙 說命三篇高宗之訓 分器旅巢

官賄息慎之命 歸禾嘉禾 成王正將薄姑 周

陳畢命 君牙蔡仲之命

鑄案此諸篇序文多載史記而馬鄭篇名之註或見於

陸氏釋文猶是孔壁之真面也其中太甲說命畢命君

陳數章或為諸經所引餘無遺影矣

平曰古今尚書諸本先後異同真偽虛實如右所列史

乘儒籍昭布萬目而孔穎達以若精識迫於詔命俛首

於梅氏之偽書疏解唯謹蔡仲默以若通敏疎於考驗

謬借於朱子之正論集傳以成舉世蒙冒莫之解脫而

吳才老吳幼清之苦心論辨。又皆湮晦而不章。唯朱子
數語。為學者所誦而已。朱子疑而舍之。不及是正。淡為
後學之恨。而蕭山毛氏反謂朱子。非聖毀經。慢罵罔狀。
舞弄唯意。顛倒文句。變幻數目。一唯梅氏之書。是護是
掩。世且眩惑而莫之浚。嗚呼。亦斯文之薜障也。余今謫
居南荒。書籍鮮少。無以折其角。唯據理剖析。亦無不可
曉者。先從大序。次及乎正義集傳。所以疏其源也。若毛
氏冤詞。則所致力。借一著也。並詳下篇。

泐水全書卷之十七

泐水 丁鏞 著

梅氏書平 二

大序一

伏生失其全經。尸以傳授。裁二十餘篇。百篇之義。世莫得聞。至魯共王好治宮室。

壞孔子舊宅以廣其居。於壁中得先人所藏古文。皆蝌蚪文字。

九^上丁

大序者。偽者所作也。伏生未嘗失其全經。史記唯云。亡數

十篇。

上甲

劉歆。

謂初出屋壁。朽折散絕。

上乙

何謂失其全

經。尸以傳授乎。藉失其全經。伏生誠能誦心。當書之竹帛。

以成簡編。何至遂無文字。一生尸授乎。尸授心說。起於衛

宏。光武詔定古文官書。衛宏承詔作序。有使女傳言之語。

序云伏生老不能正言言不可曉也使其女傳言教錯齊人語多與穎川異錯所不知者十二三畧以其意屬讀而已。見正義原宏之意非謂伏生都無簡編謂解說其義旨教

授其句讀使其女代言耳。此亦孔學人詆訾伏學之言本出於黨同伐異文帝本

令鼂錯往受義旨非唯簡編是索也偽者誤看衛序遂倡

尸授之說嗣茲以降傳相循襲隋書尸尸授。上丙釋文曰

尸授。陸德明朱子曰尸授。朱子云出其女尸授有齊音不可曉者是用衛宏說非襲大序文

蔡氏曰背誦。集傳序錄云前此司馬遷班固劉歆之筆無

尸授二字。尸授者衛宏以後之人所言。

百篇之義世莫得聞又何言也。班固藝文志直云百篇之

序孔子作之伏生藏之。上甲安國少時受業於伏生親見

今文。^{上甲}何得云伏生之書。無百篇之義乎。安國必無此言。言此者偽也。

史記五宗世家云。魯共王。以景帝前三年。徙為魯王。^本是

王又二十六年而卒。則武帝即位之十二年也。^{即元光六年}武

帝之末。墓木已拱。安得治宮。班固謂武帝之末。魯王得書。

^{上甲}八。本是傳聞之誤。司馬遷生並一世。親受書於安國。^上

二。而壞屋得書之說。不見史記。安得百年之後。倒能詳知

乎。偽者。據藝文志。同聲吠影。是豈安國之手筆哉。琴瑟鍾

磬之說。本自難信。偽者改之為金石絲竹。則管籥之音。又

何據矣。

古文無科斗之名。科斗非西京口氣。許慎說文云。秦有八

體。

一曰大篆二曰小篆三曰刻符四曰蟲書五曰摹印六曰署書七曰殳書八曰隸書

王莽之時始

定六體。

一曰古文二曰奇字三曰小篆程邈所作四曰佐書即秦之隸書五曰繆篆六曰鳥蟲書使甄豐校

定而科斗之名不見小學。自鄭玄盧植以來始有此稱。鄭

云書出屋壁皆象形文字。今所謂科斗書。

本論杜林漆書見正義

盧

植云。古文科斗降在小學。

上乙

晉書衛恆傳云。魯共王得

尚書時人謂之科斗。

鄭所云今者漢末也此云魯共王時人謂之科斗非也

束皙傳

云。汲郡人盜發魏安釐王塚。冢中得漆書數十章。皆科斗

字。

又云嵩山下得竹簡一枚上兩行蘇軾石鼓歌稱籀史

變科斗。皆後世所言。孔安國西京人何以云科斗。○西京

雜記云。滕公至東都門得石椁有銘。文字古異。以問叔孫

通。通曰。科斗書。西京雜記者。晉人葛洪作言。皆誕妄。不足

又是吳均。價本非葛洪作也。清人所纂四庫書目。辯證甚明。日本舊有孔安國考經傳。

亦有皇侃論語疏。曰。本太宰純以其孔序云。魯共王得此二書。傳于中國。見錄于鮑氏叢書。

古文考經字皆科斗。此孔序亦或梅氏所為。又或好事者效梅而為之。皆非信書。

不足為偽序之聲援也。

大序二。以所聞伏生之書。考論文義。定其可知者。為隸古定。以竹簡寫之。增多二十五篇。

陶謨云。伏生以舜典合於堯典。益稷合於皋并序凡五十九篇。四十六卷。

所聞伏生之書。何謂也。謂伏生竟無簡編。可聞而不可見

耶。隸古定。何謂也。隸者。程邈之所作。與今所云八分相近。古者倉頡

之所作。隸則非古。古則非隸。何以寫之於竹簡也。史記云。

孔氏有古文。安國以今文讀之。上甲偽者依此為說。然若

如此說。孔壁古文。世無知者。唯以所聞於伏生者。擇其可

知者而定心。定心為言吞疑憑臆之辭而又翻之以隸書。則是孔本尚

書。乃伏本尚書之翻身換面者而已。豈復能自立耶。

孔氏增多之篇。本止十六。藝文志。上甲荀悅漢紀。劉向別

錄。馬融書序。上甲傳至鄭玄。篇目歷然。上丁狎增多二十

五篇。將誰信之。將彼班固荀悅。劉向劉歆。馬融鄭玄之等。

相傳相授之學。皆擁虛簿乎。且此增多之篇。出壁以來。絕

無師說。上甲若使安國之傳。果傳于都尉朝。上丙則兩漢

以來何至於絕無師說耶。偽者始欲作十六篇而止。因太

甲說命太誓之等。其在先秦古籍多有可採。左傳禮記墨子孟子荀子

等故不得不汎濫至二十五篇而終於十六篇中多取至

十篇耳。舜典大禹謨五子之歌胤征湯誥咸有一德伊訓武成旅獒罔命然湯誥咸有一

德不收史記之所載。上丁伊訓武成不收律歷志所載。伊又

訓二句載乎在毫征是三牋為鄭注所引此其疏脫處

堯典自堯典伏生未嘗取舜典合之也。孟子引堯典曰二

十有八載。放勳乃殂落。非今舜典之文乎。孟子生於伏生

二百年之前。焉能逆知其牽合而預題曰堯典耶。是其合

之也。明在孟子之前。伏生抑寃矣。

且使安國真有是傳。真有是序。公而傳之於都尉朝。上丙

私而傳之於孔僖。上乙則兩漢諸人一何蒙昧。堅以舜典

為堯典耶。漢書王莽傳云。堯典十有二州。後漢書張純奏。

宜遵唐堯之典。以二月東巡守。又陳寵言。唐堯著典。書災

肆赦。晉幽州秀才張髦上疏引堯典云。肆類于上帝。禋于

六宗。毛氏所輯凡稱堯典。皆在慎徽五典之下。何無一人剽聞

其緒論耶。

書有棄稷本無益稷。上丁雖棄名稷官。不宜連稱。義正棄

稷之解。明在周語。上丁何謂棄名。古書之分一為二者。總

有三例。其一任取篇首二字以名之。如既名有司徹之類。

是也。其二。總括宗義以名之。如康王之誥是也。其三。不別立名。標以弟次。如盤庚太甲之類是也。今此皐陶謨下段。皐夔禹益迭相都兪。而益稷二字不在篇首。則于三例都無所當。名曰益稷。豈古法耶。棄稷本作於太康之時。與五子之歌相連為篇。上丁不可改也。

五十九篇者。依於鄭也。四十六卷者。依於班也。鄭之所註。五十八篇。丁六增一書序。八可九也。班之所志。四十六卷。

上甲以序為卷。見正義數可合也。又見班志有五十七篇之

註。上甲於是故缺一篇。今所云欲以徧合於諸文所合者

唯數目耳。羊質虎皮。鵲巢鳩居。雖多亦奚以為。

大序三

承詔為五十九篇作傳書序立
相附近故引之各冠其篇首

漢武帝無此詔也。班馬二史劉向別錄凡經籍顯晦關由

朝廷者書之唯謹。況此聖裔儒宗承詔作傳許大好事顧

乃遺之乎。安國少時及見伏生家語附錄云安國受書于伏生而倪寬受

業于安國。上甲四則文帝末年已游學矣。孔子世家云安國

為今皇帝博士。至臨淮太守蚤卒。則武帝之初年也。此時

安國本以伏生之學為今文博士。與周霸賈嘉並名何遽

為古文尚書。承詔作傳乎。若夫武帝晚年則安國已古人

矣。上甲九

陸氏釋文云馬融之徒百篇之序摠為一卷。孔以各冠其

編首而亡篇之序。即隨其次篇。居見存者之間。汨作等十

皆亡而序与百篇之序同編故存見汨作序下原陸氏筆意亦謂偽者就馬鄭百

篇之序而取之分冠于各篇也。由是觀之。孔作正義。陸作

釋文。非不知其偽而一心尊信者也。陸氏蓋率口而發夫易傳象

象自成一篇。先儒分而隸之。諸書可然。書序則不可。何者

事實顛末。覽書自明。以序冠首。只成架疊。如甘誓洪範之

類以序冠首。何益矣。

大序四會國有巫蠱事經籍道息用不復以聞傳子孫孫以貽後代若好古博雅君子与

我同志亦所不隱也

巫蠱者。征和二年戾太子事也。武帝即位之四十年文帝之末。季近

二十。故能游學濟南。其後歷景帝十六年。以至武帝之四

十年。則其季恰過七十。司馬遷何云蚤卒。獻書之在安國

既沒之後。明矣。藉使安國身獻其書。躬承帝詔。則巫蠱之

年。雖未復命。事定時乎。庶政無滯。又何以自畫。自沮。臧臧

然。以私傳為意耶。人臣事君。有命必復。委君命於草莽者。

春秋誅之。故歸父奔齊。壇帷復命。宣十貞子道死。將以尸

入。哀十蘇武反節。寔祭武陵。有命必復。在禮則然。今也承

詔作傳。私自傳家。有是理乎。漢書謂獻書而遭巫蠱未列

不合于學此云會巫蠱事未獻亦

且使不幸而未獻。亦當公諸一世。朝暮遇之。何為此遙遙

延延千秋百歲之遐想乎。堂堂中國。虞夏殷周之書。賢聖訓謨之言。非比癰疽馬醫之方。青囊秘訣。一子單傳。又何必傳子孫孫。以貽後代哉。司馬遷切友也。不以示之都尉朝嫡傳也。不以授之後世子雲。其何以待之。今詳其意。傳子孫孫。以貽後代者。暗指漢章帝時孔僖也。博雅同志亦所不隱者。暗指皇甫謐梁柳之等也。彼見後漢書有孔僖自安國以下。世世傳古文不絕之語。上三遂云傳子孫孫。又恐傳子孫孫。則皇甫謐梁柳之等。無由得見。故繼云博雅同志。亦所不隱。肺肝如見。何以匿矣。安國不能前知數百年後事。何以逆觀如此。陳敬仲之筮詞曰。五世其昌。莫

之與京畢萬之筮詞曰公侯之孫必復其始朱子以此知左傳有三晉後作今執大序之末語知大序爲東晉人作

正義一

序云古文則兩漢亦所不行安國註之寔遭巫蠱遂寢而不用歷及魏晉方始稍興

故馬鄭諸儒莫觀其學所注經傳時或異同晉世皇甫謐獨得其書載於帝紀

國子祭酒弘文館學士孔穎達字冲遠或云仲達五經之大儒

也其邃學精識貫穿今古孔書梅書之廢興本末真偽虛

實他人容或不明孔祭酒豈有不知者乎竊惜夫以若弘

博屈首解此虛偽之書凡有破綻皆曲爲之彌縫心知馬

鄭之學乃孔安國之嫡嗣而每淡抑而暗壓之嗟乎斯何故也一

時議橫生詔旨一嚴重有不敢沮貳也一冢世燁奕祖德

彌章。有不必打破也。非斯二者。孔祭酒豈有是哉。古文雖
於前漢不列于學官。司馬遷載之於史冊。劉向校之於秘
閣。^{八上甲}劉歆移書博士。詔許以欲廣道術。^{一上乙}塗惲幸遇
平帝。躬見其建立官學。^{二上乙}雖緣王莽之亂。事不光鮮。不
可曰全晦也。光武龍興。首獎古文。衛宏甫作訓旨。召拜議
郎。^{五上乙}肅宗善繼。崇慕古文。孔僖僅守世業。即拜郎中。^{上乙}
^三於是孔氏古文之學蔚然大興。撰書至三十餘篇。聚徒
至一千餘人。孔祭酒豈皆不知。遂謂兩漢之所不行乎。魏
之所建。王肅注也。晉之所建。鄭與孔也。^{八上乙}不分涇渭。模
糊言之。歷及魏晉。方始稍興。其前後盛衰之跡。果不知

而言之乎。註經之時或異同者。如堯典九族之註。伏學云
 母族妻族。孔學云九世之族是也。原經之外。新撰二十五
 篇。又於原經之內。變亂唯意。舜典益稷等是可云時或異同耶。
 經本絕異。註奚求同。蔡九峯集傳。雖未昭姦。是不察之過。
 于自己誠意之學。無所愧焉。孔則不然。古今真偽如視掌
 紋。而上誣古人。下欺後學。乃至於此。

皇甫謐。言行無玷。粹潔之人也。寧有是也。帝紀中所載。有
 類偽書者。是偽者用帝紀。或後人追攬于世紀非帝紀用
 偽書也。况兩書乖舛者多。上丙豈可疑之。

正義二大序疏云伏生二十九篇自是計卷若計
篇則三十四去泰誓猶有三十一今之泰

誓非初伏
生所得

三上己

計篇而為三十一者。孔壁之真本。加以以書序一篇。偽太

誓一篇。則三十三篇也。加以以增多二十四篇。則五十七

篇也。上甲計篇而為三十四者。鄭氏之新本。序在額外。序

在百篇內。而偽太誓三篇也。加以以增多二十四篇。則五十八

篇也。鄭氏時二十四篇若伏生之本。二十九篇。其一篇本

無分出。何又計卷。孔祭酒非不知也。計將以鄭注尚書。翳

然歸之於伏氏之學。故誣之如是。豈不惜哉。

伏氏書中。本無泰誓。書大傳中。雖有泰誓之說。白魚入書

大傳。亦有帝告九共諸說。上丁其亦有經文本篇而言之

四上己

乎。孔祭酒非不知心。猶以泰誓擬議於伏生者。亦唯鄭玄之本。指之為伏學耳。鄭固可忌。伏有何罪。冒中懷一偽物。其害於政如此。

正義三

書傳有白魚入舟之事。不知伏生先為此說。不知泰誓出後。後人加增此語。司馬

遷時已得。太誓並歸於伏生。不得云宣帝時始出。武帝紀載今文泰誓末篇。

書傳白魚之說。雖為伏生之手筆。不足以累伏生也。當時

周書種類甚多。

藝文志有周書七十一篇。

伏生皆能言之。故書大傳所

載。未必皆二十八篇之事。又何嘗以白魚入舟為泰誓文

乎。伏生雜論周書。偶及白魚之說。於是偽造泰誓者。遂取

白魚之說。入于泰誓也。譬如鄭玄詳書。偶有科斗之說。於

是偽造大序者。遂取科斗之說。入于大序。

漢書藝文志載尚書古文經四十六卷。其一卷明是偽泰

誓一篇。上甲若去偽泰誓一篇。無可以當此額者。正見漢

代史家以偽泰誓。並歸於孔氏。司馬遷作史多用孔安國

之義。而白魚之說。載於周本紀。何云並歸於伏生。○偽泰

誓明有多本。上丙周本紀所載藝文志所計。上甲明止一

篇。此所云民河內文所掘。鄭玄本所列。乃為三篇。上丁孔

疏混言之。亦謬。

司馬遷不作武帝紀。武帝紀者。褚先生之所補也。且考武

帝紀無今文泰誓末篇。其心謂之今文泰誓者。專為清脫

孔安國以鄭玄本偽泰誓歸之於

伏生今文之學唯有附。下罔上者死。以下四五句。是或偽太誓末。

篇中語。○後儒之欲詆伏本者。必云伏本之內。原有泰誓。

謂伏本無書序。以泰誓當一篇。不知伏既負累。孔亦同歸。何則二十九篇。

劉向既相校讎。上甲凡有瑕類。伏生無獨當之理也。孔書

之後以今文校之。其二十九篇與伏本同。若云入劉歆移於二十九篇之中。則伏本孔本俱有此偽太誓矣。

書博士。明云伏書先出。泰誓後得。上乙何以誣之。

正義四此云四十六卷者不見安國明說蓋以同序者同卷異序者異卷故五十八篇為四

十六卷大禹謨皋陶謨益稷又三篇同序共卷其康

誥酒誥梓材亦三篇同序共卷又減四以五十

八減十二非四十六卷而何其康王之誥乃與願

命別卷以別序故也。○大序疏

藝文志所載四十六卷。明有額數。不可移動。上甲與伏本

同者二十九卷。偽泰誓一卷。增多者十六卷。分七篇則五偽

者。換其骨而蒙其皮。壞其實而冒其名。趙壁漢熾圖鑿方

枘。造謀作奸。靡所不至。然其五十八之所以為四十六。不

過曰以卷包篇。其數目分合。梅亦不言。孔祭酒辛苦打算。

巧合如此。然太甲說命。其在孔壁真本。本不入於二十九

篇之內。亦不入於十六篇之中。十六篇其篇目見正義大禹謨益稷。

雖在十六篇之中。而益稷本是棄稷事。在太康之時。必不

與臯陶謨同序。上丁泰誓不過一篇。計在四十六卷之中。

上丙又安得更數三篇。上丙凡此薄領。載在班志。上甲載

在荀紀載在劉錄上甲載在鄭序丁六萬目所觀千歲不

泐。今欲以么貝十朋。當壯貝十朋。則數目雖同。賈值相懸。

泉府舊掌。管籥尚嚴。豈奸胥之所能竊哉。此疏一出。無人

駁正。或攻梅如吳幼清者。或訟梅如毛大可者。皆祖述此

說。節惑滋甚。不可以不辨。

正義五

馬融鄭玄王肅皆曰虞夏書孔於禹貢注云夏書之首則以上為虞書十六篇又

帝告釐沃湯征汝鳩汝方於鄭玄為商書而孔并於胤征之下或以為夏事

余謂虞夏書二十篇。都是夏史所作。夫以唐堯之史官。記

唐堯之事實。何謂之曰若稽古。以虞舜之史官。記皋陶之

謨猷。何謂之曰若稽古。曰若稽古者。時代已遷。聲跡寢遠。

或稽之往牒。或稽之遺跡。以成追述之史。故謹嚴其筆。先

書云。尸若稽古也。乃梅氏孔傳曰。順考古道而行之者。帝

堯。其注舜典大禹謨皋陶謨皆云順考古道此以稽古二字為帝堯之尊號也。

既二推演此義。其造周官之篇曰。唐虞稽古。建官唯百。則

堯之稽古。已不刊矣。蔡氏注堯典曰史臣將敘堯事先言考古此謂堯典乃虞史所作斯固然

矣曰若稽古帝舜又何故也。不如皆作夏史所作。顧炎武云。堯典亦夏書。

左傳引堯典。則曰虞書。引皋陶謨。則曰夏書。據史克之言。

舉慎徽五典。納于百揆之節。而謂之虞書。文十則古之堯

典文也。趙衰之言。舉賦納以言。明試以功之節。而謂之夏

書。僖廿七則古之皋陶謨也。司馬遷漢史也。能作堯本紀。舜

本紀何必夏史。不能作虞書。既以夏史並作虞夏之書。則

其謂之虞夏書。又何不可乎。伏生之唐傳虞傳未有經據馬鄭所不取也故司

馬遷於伯夷傳。實引堯典。而通稱虞夏之文。正是安國之

法。史遷本孔學乃偽者。忽執臯陶謨升之為虞書。於是菟輯左

傳國語呂覽之等。得其稱夏書者八九條。以飾大禹謨一

篇。詳見下本亦稱虞書。其所倚靠者。唯趙衰引夏書一節也。

趙衰所言夏書既入虞書他所引夏書亦可同例蘇東坡云。春秋傳引虞書。皆云

夏書。安知非作於夏時乎。

鄭玄之本。虞夏書二十篇。商書周書各四十篇。井井合度。

真有刪正成部之意。不可亂也。帝告等五篇。不唯鄭玄以

為商書。抑亦司馬遷載之於殷本紀。上丁此亦問之於安國者。上乙今錄為夏書可乎。

正義六

前漢諸儒知孔本有五十八篇不見孔傳遂有張霸之徒於鄭注之外偽造尚書凡

二十四篇以足鄭注三十四篇為五十八篇。毛奇齡云穎達不曉漆書作此不通語張霸西漢成

帝朝人乃偽造二十四篇以足東漢鄭注書不足之數其人在夢中

毛西河誤看孔疏譏切萬端細看孔疏殊不然也。鄭玄之

為漢獻帝時人。孔豈忘之。但三十四篇既不欲名之為孔

壁古文。則無以名之。第謂之鄭注。謂鄭之所注其云張霸之徒

猶言張霸之類。非直云張姓霸名者。偽造此二十四篇。孔疏

上文云張霸之徒偽造孟子曰雞鳴而起孳孳為利者。跖

太誓亦謂張霸之類

之徒也。豈必展季之兄盜跖。間雞而興。可以此例看。

雖然孔疏之言。竟是誣毀。孔安國獻書之初。蚤有此二十

四篇。

甲七

既獻一百五十年之後。班固作藝文志。始題古

文經五十七篇。

上甲八

乃云張霸之徒。偽造二十四篇。以充

其額。豈不誣哉。其意欲以此二十四篇。為生於東漢之時

也。然此二十四篇。不自天降。不由地湧。西京史冊。記載已

久。史記之云十餘篇。

上甲七

劉歆之云十六篇。漢書之云十

六篇。荀悅之云十六篇。

甲八九

皆是此物。豈可歸之於東漢

人之追足乎。天下書皆偽。此十六篇。必非偽。何者。自古造

偽之人。務為美詞。令人傾信。故偽書之文。無不易讀。民間

太誓河內太誓以至近世之子貢詩傳申培詩說莫不皆然而此古文十六篇越自安國之初絕無師說馬融云蓋其

古文奇句環怪險奧人莫能知又無伏生今文可以梯接

故有文無注藏於秘府上乙以此為偽可乎辛苦造偽以

示當世世無知者造將何為○孔疏必以此為偽者此二

十四篇之中舜典等十一篇舜典大禹謨棄稷五子之歌胤征湯誥咸有一德伊訓武

成旅契今有梅賾新本故斥之如此盜憎主人後妻妬前

妻此之謂矣

正義七藝文志云古文又多十六篇即是偽書二

馬融服虔杜預皆不見之鄭玄亦不見之故註書序舜典云入麓伐木五子之歌避亂於洛汭胤

征云胤征臣名旅葵云葵讀曰豪是不見古文也

奉一贗以詆百真。所謂詖辭。知其所蔽也。藝文志所載十

六篇。為偽書。則梅內史所獻二十五篇。為真經乎。竊嘗論

之。孔安國得書之後。其生並一世。耳提面命者。司馬遷。其

造門執贄。親受句讀者。都尉朝。其嫡傳直下。尸厥七鬯者。

膠東庸生。校讎同異。考驗完缺者。劉向。上甲移書博士。圖

列學官。衷悃幽憤。溢於辭表者。劉歆。上乙詳記本末。纖悉

數目。尊而冠之於伏生。今文之上者。班固。藝文志首載古文次錄今文

曾孫是若。弘闡祖猷。玷污名節。莫之知避者。王璜塗暉。上乙

二流于末。而有名者。桑欽。廣輯所說者。周防。世胄胤胤。守

其青氈者孔僖。大放厥聲者楊倫。悽詞哀婉。嗚咽而傳其

業者杜林。

五上

親受真詮。再續墜緒者。衛宏徐巡。沂考蒼

籀。剖析今古。以辨兩家之同異者。許慎。

詳說文

承塗暉之嫡

統。受庭誨而作訓者。賈逵。傳者馬融。註者鄭玄。以鄭玄之

註爲未善。而更註之者。王肅。

見正義

博考典籍。具載史冊者。

荀悅。范曄。習於書教。羽翼斯文者。趙岐。包咸。服虔。杜預。韋

昭。高誘之倫也。若使孔壁古文。真有二十五篇之經。而安

國當時。真有五十八篇之傳。凡此諸儒。理當視之爲府庫。

歸之爲淵藪。引據取重。咸以爲宗。而考其所爲。則趙岐注

孟子。包咸注論語。服虔杜預注左傳。

孔疏云。服虔注亂其紀綱。並云。夏桀時。

韋昭注國語高誘注戰國策呂氏春秋每遇二十五篇之

文蒙然未悟注云逸書荀悅為漢紀范曄為後漢書唯十

六篇伏而未發者是載是詳而二十五篇五十八傳不少

槩見是此諸人皆不見孔安國之傳也王肅注書有棄稷

而無益稷見孔疏鄭玄注書胤征曰臣弑旅獒曰酋豪又仲

詁太甲說命等馬融書序云經傳所引太誓太誓並無此

文謂河內太誓無此文賈逵奏尚書疏云火流為烏見孔疏是此諸人

皆不見孔安國之傳也許慎作說文自序云書主孔氏夷

考其書僅有二十八篇中字而二十五篇中字無一偶及

唯若藥不瞑眩一句為說是許慎亦不見孔安國之傳也

馬鄭之註。本於衛徐。衛徐之學。本之杜林。而馬鄭所注。仍止二十九篇。則是杜林衛宏徐巡之等。皆不見孔安國之傳也。孔僖位躋卽中。楊倫徒至于人。^上鴻毛之遇順風。何鬱不伸。而祖師遺藁。秘之不宜。有是理乎。鄭玄箋詩。上戴毛傳。杜註春秋。不廢服虔汝南周防。撰尚書雜記。三十篇。四十萬言。何不以孔安國之傳。爲之冠冕。^上是周防孔僖楊倫之等。皆不見孔安國之傳也。孔傳禹貢曰。始出山爲漾水。東南流爲沔水。而桑欽之爲水經曰。漾水出氐道縣嶓冢山。沔水出沮縣狼谷中。祖一其源。孫乃二之。若是者甚多姑舉其一。是何故也。是猶傳桑欽。亦不見孔安國之傳。

也。王莽雖為亂逆，雅尚儒術，以劉歆為國師。王璜塗惲，左

右作翼。二上當此之時，苟欲建立，雖疵痺嚏夢稗官之說，

猶莫之天闕。況於堂堂先師孔安國之書傳乎？既立其經，

不立其傳，豈不拗哉？劉向校書之時，博問民間，廣求古文，

唯膠東庸生、寔傳孔學。一上當此之時，膠東庸生如有所

受於都尉朝。隋書謂孔安國私傳都尉朝上丙二則抱書往天祿閣上，以伸

巫蠱以來幽鬱之情。天理則然而寂寥殘經，無所增多，是

都尉朝膠東庸生、王璜塗惲之等，皆不見孔安國之傳也。

劉向、劉歆、班固之等，所知者二十九篇，所見者十六篇，而

二十五篇，息議不到。疏云：劉歆作三統曆，論武王伐紂，引今文泰誓云：丙午，建師。又引武成：越

若來三月五日甲子咸是班固劉向劉歆之等皆不見孔
劉商王受並不與孔同

安國之傳也。司馬遷爲史記其用安國之說者不過堯典

禹貢洪範微子金縢等數篇。上乙其或詮錄經文不出二

十九篇之外而臯陶謨仍連益稷太誓不言三篇是司馬

遷亦不見孔安國之傳也。論語曰予小子履敢用玄牡敢

昭告于皇皇后帝。堯曰此赫赫湯誥文也。今梅本乃孔安

國註之曰。墨子引湯誓其詞若此以誓爲誥。援墨證儒不

亦勞乎。則是孔安國亦不見孔安國之傳也。天下其有是

乎。夫所謂孔安國之傳是何神物。後學不得窺名儒不得

引。嫡傳不得受而傳之。史官不得採而錄之。血胤不得藏

于家。切友不得聞其說。並其本身。不得見其文。所謂孔安國之傳。委是何物。神訶鬼護。天慳地閔。譎怪幽陰。垂四百年。必待豫章內史梅賾而後。始出人間。豈不奇哉。孔祭酒博學精識。超越古今。獨於是棄智塞聰。奉承唯謹。必其時勢。有不敢不然而然矣。今正義所列。無非所以昭姦之確證。而不令湮沒。論著如此。抑其中有微意存焉。若無此正義。今人將何據而知之。孔祭酒。其有微意夫。

正義八

鄭玄書贊云我先師棘下生于安國亦好此學衛賈馬二三君子之業則雅才好博

既宣之矣又云歐陽氏失其本義今疾此蔽冒是鄭意師祖孔學傳授膠東庸生劉歆賈逵馬融等學而賤夏侯歐陽等何意鄭注尚書二逸並與孔異篇數與三家同

棘下生者。齊人語也。鄭玄齊人。高密鄭志曰。張逸問贊云。

我先師棘下生。何時人。鄭答云。齊田氏時。善學者所會也。

齊人號之棘下生。無常人也。見水經淄水注于安國者。尊師之稱。

○孔疏此節。又所以予鄭玄以孔安國之嫡統。不欲抹殺。

埋沒於千載之下也。

鄭注亡逸。並與孔異者。謂仲虺之誥。太甲說命等篇。見在

而云亡。其汨作典寶之等十三篇。見亡而云逸也。見正義正二

十四篇。除梅氏本所存十一篇。辭典大禹謨益稷五子之歌胤征湯誥咸有一德伊

訓武成旅獒則餘者十三篇。其實五篇而已。汨作典寶肆

周命共十一而二十四篇。孔疏雖斥之為偽書。而梅氏造偽之初。本欲

按簿填闕。翕合而無爽。故十六而填至十一。竟緣太甲太誓遺文極多。遂不免濫及額外耳。然鄭於此十六篇之序。曰逸曰亡。所注均平。梅之所有。不必曰亡。梅之所無。不必曰逸。正義所言。有若鄭於其中。有所差殊。以別之者。非矣。鄭未前知二十四篇。寧有愛憎。

篇數與三家同者。謂與歐陽大夏侯小夏侯同。止二十九篇而已。此欲以馬鄭之本。隱然歸之於伏生今文之學。狀史記云。孔氏有古文。安國以今文讀之。上甲漢書云。劉向以中古文校歐陽大小夏侯三家經文。唯有脫簡異字。餘無不同。上甲孔安國自以今文讀之。劉更生亦以今文校

之。而其為古文之學。自如奚獨鄭注之本。病其與三家同也。篇數不與三家同者。非孔氏之真本也。唯盤庚顧命有所分出

正義九

又劉歆賈逵馬融之等並傳孔學云十六篇逸與安國不同者良由孔注之後其書

散逸傳注不行以庸生賈馬之等唯傳經文三十三篇改鄭與三家同

書傳傳授之法。厥有三條。傳之子孫。一也。傳之後學。一也。

藏之祕府。一也。所謂孔注。傳之子孫。則孔僖被戶之日。必

獻不疑。上傳之後學。則庸譚承問之日。必獻不吝。上

藏之祕府。則劉向校書之日。必發無祕。上又何故而散

逸不行。既散逸不行。豫章內史梅賾。何以於四百年之後。

忽然得之。

經文之與伏本同。不可病也。齊魯韓毛。其三百篇則一也。公穀鄒夾。其二百四十年則一也。歐陽夏侯。衛賈馬鄭。其二十九篇則一也。經之欲殊者。造偽之兆也。

正義十

至晉王肅注書始似竊見孔傳故注亂其紀綱為太康時。左傳哀六年引夏書曰

唯彼陶唐孔氏正義云賈服孫杜皆不見古文解為夏桀之時唯王肅云太康時也王肅注尚書其

言多是孔傳疑肅見古文匿之而不言也。又云皇甫謐云云

不是王肅竊見孔傳當是梅賾竊取王說主客不難辨也。

不是皇甫採取孔傳當是梅賾依靠世紀先後不難辨也。

賈服孫杜但謂有夏之亡應是夏桀注之曰夏桀時王肅

淵狀沈思曰夏桀之惡應在商書此既夏書則其唯太康

時乎。國不遂亡。猶有撰書以為戒者。是太康時也。於是注

之為太康時。善改之註也。於是造偽者。取王肅之意。以作

五子之歌。其餘凡與偽經相近者。其情皆如此。○王肅之學。

本善賈馬。上故虞書曰。虞夏書。益稷曰。棄稷。見正義我其

試哉。曰。試之以官。孔壁本無帝曰二字。故王肅何曾夢見

梅本。竊見而還匿之何言也。以為至實而私之乎。以為神物而悶之乎。于情于理。百無所當。

皇甫謐亦無得見之明驗。不可疑也。已見前。上丙一正義

集傳一 自序云二典禹謨先生蓋嘗是正

朱子。釋二典至大禹謨。正月朔日。受命于神宗。率百官若
帝之初。而絕筆焉。斯豈偶然意倦而止之乎。大禹謨中。征

苗一節最不合理。朱子於此益嘗反復紆思而淡覺其偽。故弛然掩卷而罷耳。若金滕說召誥洛誥解武成日月譜。此是平日試筆。非於禹謨絕筆之後又作此註也。

集傳二

大序注云伏生求其書獨得二十九篇陸氏曰即馬鄭所注二十九篇孔穎達曰

泰誓本非伏生所傳武帝之世始出史因以入於伏生所傳之內故二十九篇

陸氏釋文孔氏正義皆欲以馬鄭尚書翳然歸之於伏生

今文之學。故所言如是。而班馬荀范之史其源委本領孔

疏陸釋每諱不言。故吳才老吳幼一清雖慧眼如曙星而

終有一重之紗罩。蔡九峯錄朱子大序之註而亦本孔陸

之說殊與平日議論不類。

偽泰誓。既於武帝時始出。則攬入孔本之中。以作三十三篇。可也。伏生則已於文帝時。以二十九篇教于齊魯之間。武帝時所出。何得入於伏生二十九篇之中乎。此亦孔祭酒。陰擠鄭玄。歸於伏學之言。朱子未及臆檢。而采錄之也。

集傳三

百篇之序藝文志以為孔子為之然以今考之其見存之篇雖頗依文立義而無所

發明如康誥酒誥梓材之屬則與經文有自相戾者其於已亡之篇則伊阿簡略尤無所補其非孔

子所作明甚然相承已久今亦未敢輕議

朱子眼力。於經典真偽。照燭如神。但當遵承。然於百篇之序。亦私自議。誠以伏氏百篇之序。今無存者。其序次文句。無以考驗。若云鄭本百篇之序。即亦伏本所有。則不但

鄭本。今亦三滅。雖尚完存。必與伏本大殊。何也。盤庚分出之二篇。顧命分出之一篇。偽泰誓加出之二篇。史記泰誓只一篇

共五篇之額。是伏本所殊。則伏本百篇之內。必別有五篇。代居此額。如所云太戊掩諱之等。太戊見史記掩諱見王氏考異應亦有

序。彼序爲孔子所作。則此序非孔子所作。二者之中。必有一私撰者矣。況今梅氏之書。變周易樹。唯意所欲。其又與鄭本諸序。汨亂差舛。可勝言哉。雖本孔子所作。今離披衰敝。不可復知也。

竊嘗思之。祖訓大訓。先王之訓。皆所以遺誨後世者。則太甲訓。是太甲成德之後。訓其後嗣也。高宗之訓。是武丁致

治之後訓其後嗣也。書序太甲曰。伊尹訓王。高宗之訓曰。祖已訓王。此以伊訓例之也。若然。聖王哲辟。曾不得一言垂後。唯聽訓於臣佐已乎。微子之命。蔡仲之命。文侯之命。畢命。罔命。既皆君命臣之辭。則奚獨說命為臣戒君之詞。傳說舉於版築。天下未信。宜有命詞。以詔于羣下也。此皆書序之異義。不敢質言。

集傳四

訓誥皆當時號令之本。語其間多有方言。及古語當時人所共曉。而於今反為難知。

誓命是當時史官所撰。櫟括潤色。粗有體製。故在今日亦不難曉耳。

六上辛
此朱子調護梅書。曲為之商度者也。其柰伊訓湯誥。平易如此。湯誓費誓。顧命文侯之命。古奇如彼。豈可解也。平日

議論只以今文古文疑其順澀為不易之論也。朱子曰今文多艱澀

而古文反平易。就生偏得其所。難安國專得其所。易皆不可曉。

集傳五

今按此序不類西京文字。疑惑後人所託。然無所據。未敢必也。亦朱子說。

朱子曰。書序恐不是。安國做漢文粗枝大葉。今書序細膩。

只似六朝時文字。又云只是魏晉人文字。陳同父亦如此說。又云書註決非孔安國所注文字。

固善。不是西漢人文章。但有太麤。處決不如此。因善也。亦非後漢文。又云某嘗疑孔安國書是假書。此毛公傳如此。

此高簡大段爭事。漢儒訓釋文字多。是如此有疑則闕。今此却盡釋之。朱子但據孔疏一通。

以聽此訟。而其神明燭物之光如此。若於班馬荀范之史。

考驗其簿籍。沿溯其源流。則梅氏之書其不立於後世矣。

集傳六

朱子曰尚書孔傳是魏晉間人作。託孔安國為名耳。又云孔傳並序皆不類西漢文。

上辛
八

字氣象與孔叢子同是一手偽書蓋其言多相表裏而訓詁亦多出小爾雅

偽書必有聲援。偽者造此二十五篇。五十八傳。乃造孔叢子。以爲外援。又取皇甫謐帝王世紀。攬入數條。至唐。又有入撰馬融忠經。多用梅氏之義。乃鄭志。趙商之問答。儼有周官篇內之說。今人都能辨別。此一種靈慧之識。其源皆出於朱子。朱子知詩序之偽。疑左傳有追攬。疑孝經有僞端。疑梅氏之書。是偽書。蓋擇善固守之志。誠於中。而慎息明辨之功。著於外。非淺學所能逮也。

集傳七

吳才老棧云增多之書皆文從字順非若伏生之書詰曲贅牙夫四代之書作者不

一乃至二人之手而定
爲二體其亦難言矣

梅氏之書。自東晉之初。列于官學。下逮陳隋。無一人敢校
悟者。孔穎達正義。始與馬鄭王本參互商議。雖外若尊信。
而衷悃有可見者。至宋吳才老著書。裨傳八篇。總要書辨
考異詁訓共十三卷。專斥二十五篇。五十八傳之可疑。唯
其一條。為吳幼清所引。見永樂大典餘不可見。然獨見獨悟。於
千歲相承之餘。非豪傑之士。惡能然矣。偉哉。

集傳八

吳幼清澄云孔壁真古文書不傳後有張霸偽作舜典汨作等二十四篇目為古文

書辭義蕪鄙不足取重於世以售其欺及梅賾二

十五篇之書出則凡傳記所引書語注家指為逸

書者收拾無遺既有證驗而其言率依於禮比張

霸偽書遼絕矣世遂以為真孔壁所藏也唐初諸

儒從而為之疏義自是尚書止有二十九篇者廢

不復行唯此五十八篇孤行於世竊嘗讀二十五

篇體製如出一手。采集補綴。雖無一字無所本。而平緩卑弱。殊不類先漢以前之文。夫千年古書。最晚乃出。而字畫略無脫誤。文勢略無齟齬。不亦大可疑乎。下引吳才老朱仲晦說云。澄斷斷然不敢信。此二十五篇是非之心。不可得而昧也。見集傳大全。

吳草廬撰詩書易纂言若干卷。其中多名義格言。其尚書敘錄所論如右。遂取二十九篇。疏釋文義。而梅氏二十五篇別爲一部。附之編末。快哉此舉。可謂成朱子未卒之志也。但其所論。猶據孔氏正義。以知其源流本末。而班馬荀范之史。未或稽驗。故差謬非一。孔壁真本。卽鄭註古文。而首云孔壁真古文書。不傳一誤也。二十四篇。卽十六篇。出壁之初。則有此書。兩漢諸史。記載詳悉。乃信孔疏之誣斥。

遂云張霸偽造此篇。二誤也。伏氏之學亡於永嘉之亂。至

唐儒撰疏之後。而廢不復行者。鄭氏古文之學也。乃云歐

陽夏侯。今文之學。至唐而亡。本文今三誤也。

集傳九

蔡云今文伏生所授馬鄭等所注。見堯典篇題。

九峰。誤看陸氏釋文。遂認馬鄭所註為伏本也。釋文云伏生二十九篇。

篇即馬鄭所註二十九篇。陸意蓋云。彼二十九篇。即此二十九篇。非謂

馬鄭直就伏書而註之也。伏學孔學。門戶既別。源流絕殊。

乃孔疏陸釋。極意質亂。遂使孔學之嫡孫。移入伏學之別

譜。可勝歎哉。於是。今文古文皆無者。題之曰。今文無古文

有。其名實之不相副。如是。梅於其間。得怡怡然偃息矣。

集傳十

舜典云今文古文皆現今文合于堯典無篇首二十八字梅賾既失孔傳舜典故

亦不知有此二十八字而慎徽五典以下固具於伏生之書故取王范注補之

先儒唯見孔疏。故孔安國都尉朝。以傳于王璜塗暉。杜林
賈逵。馬融。鄭玄之書。三十四篇。真古文。全然未聞。又據梅
氏大序。漢信伏生。誤以舜典上合于堯典。遂信姚方興二
十八字。為不可無之虞夏人手筆。然曰若稽古帝舜。曰重
華一節。真若介居於兩間。伏生雖好合古篇。決不能膠之
漆之。此梁武帝之所能悟。而吾儒猶多聽瑩。豈不嗟哉。

[illegible]

泐水全書卷之十八

泐水 丁鏞 著

梅氏書平 三

冤詞一

李塉曰梅氏上古文晉史無有何也予曰舊史十八家有之官府所藏名為中古

文漢晉皆存而民間授受者名為外學故劉歆校書名為中外相應

蕭山毛奇齡字大可

又名姓字老晴

所著經說數百卷一反宋儒

之學辭氣暴慢可驚可惡然理苟是也其是者是之已矣

乃其禮學則一節一文無不錯解所撰禮記說篇祭禮

通俗譜尤雜紕繆不可疏理其為易學則不知爻變膠固

本強而十二辟推移之外自艮子母易之法義例啗戾無

一中理。所謂古文尚書。冤詞八卷。專欲背馳朱子。曲護梅氏。噫。其博聞強識。足以辨伏孔之門戶。昭鄭梅之真偽。而偏心未平。遁辭橫出。有不堪悶塞者矣。夫梅氏獻書之事。漏於晉書。上亦一疑端。雖孔疏明白。而或係劉焯。劉炫等道聽塗說之言。今指舊史十八家。何異乎問諸水濱。

中古文者。中古之篆文也。藝文志云。劉向以中古文校施孟梁丘之易。又以中古文校歐陽夏侯之書。上蓋以貫

氏之易。孔氏之書。皆古文奇字。人莫能知。故用中古史籀

之文。上下梯接。使得翻寫也。毛氏見顏師古之註。師古云

子之書也。言以中古文為中秘書。謬矣。劉向別錄云。臣向中

謹與長杜衛杜參校中祕書

漢書注

張霸獻百兩篇。以中書

校之。

上丙九

字句異例。不相混也。○劉向以中古文校書。

上甲

八之後。劉陶推三家尚書。及古文是正文字。三百餘事。名

曰中文尚書。

後漢書

班固范曄各有論著。以為今文古文之

別。

兔詞二

唯不立學官世多未見又令甲森嚴立學者稱官書不立學者稱逸書

偽太誓三篇。自東晉以前未嘗為官書。

鄭注立學之時始得並立

然以

其膾炙人間之故。漢魏註經之家莫不引用。小雅鴻鴈之

箋。周頌思文之註。周禮大祝之註。大司馬之註。皆明引太

誓。節錄其文。

餘不可勝數

若使梅氏二十五篇亦果流行于人

間雖不立學。豈不引用如此乎。儒林註書之法。雖莊列揚墨之流。讖緯方技之說。苟可以宣明經旨。則無不引用。奚獨於二帝三王之遺書。必以其不立學官。而不敢引用。與約兢慎。如犯大禁。知其書名。而不敢發口。知其篇名。而不敢題目。唯僅指爲逸書乎。此遁辭也。

且孔氏之書。雖未早立於官學。人主之寵遇榮賚。冠絕古今。上已周防作箋註四十萬言。楊倫聚弟子千有餘人。而

御史莫之劾。廷尉莫之執。毛萁云。令甲森嚴。何據矣。光武

中興。愛好經術。未及下車。先訪儒雅。四方學士雲會京師。

而鄭興杜林衛宏與焉。後漢儒林傳肅宗初立。特好古文尚書。

詔賈逵入講北宮。白虎觀。逵數為帝言古文尚書。詔令撰尚書古文同異。逵集為三卷。帝善之。八季。詔諸儒各選高才生。受左氏春秋。古文尚書。傳。賈逵。令甲森嚴者。何據矣。

冤詞三

經文在外者自荀尉朝至桑欽尹敏至楊倫太保鄭冲至梅蹟皆歷有授受彼我傳

述並無偽學老師病儒不可輕為謗訕况古先賢聖之冊二禪三代之蹟

此段詐甚矣。都尉朝桑欽雖是嫡傳。一字不傳於後世。尹敏楊倫雖亦大鳴片言。不流於後學。唯賈逵馬融鄭玄之學。有傳有訓。有注有贊。毛氏何不並舉。依草附木。託於幽陰之地。而陽明昭朗。布亦萬目者。終不免諱惡。豈非彼直我曲。彼實我虛。自視欲然。不能不沮蹙耶。

挾天子以威天下。欲用魏武之術乎。彼所挾者真天子。毛
所尊者假帝王。其威亦相懸矣。竊嘗思之。其位彌尊。其篡
之者彌惡。無恥愚氓。修其先譜。假竊官封。其罪未甚。若有
人追尊匹庶。僭竊王爵。罪犯莫追於誅殛。理有然也。今梅
氏之書。偽舜假禹。贗湯詐武。議其章程。死有餘罪。今反以
斥偽昭姦者。謂之侮先聖。若然。誅莽操者。為侮帝王。闢老
佛者。為誣聖賢。一竊其號。唯屈躬服事而後。方為忠順之
人。天下寧有斯義哉。

冤詞四

伏書二十九篇武帝時外間疑泰誓為偽遂去此篇于是有謂泰誓非伏生書者兩

漢諸儒皆造言出處而俱不得合○太誓只一篇也二十九篇去一篇故二十八篇○伏生自作大

傳直用白魚明伏誓何必曲諱。馬融有曰今文太誓都無此語直加以今文之名何等明快

外間疑偽之事。馬史班史。荀史范史。都無影響。何據而爲此說也。梅氏之新撰太誓。欲以爲孔本。則鄭氏之舊注太誓。斥之爲偽書。斯名正言順矣。何必曰伏氏之書。原有太誓乎。伏氏二十九篇。其一明是書序。故梅氏大序曰。宜相附近。各冠篇首。明伏本別爲一篇也。毛氏每云伏本無百篇之序而藝文志厥有明文上甲三既別一篇。自入於二十九篇之中。白魚之誓。無額可填。且書大傳所言。非皆二十九篇中說。帝告九共。嘉禾太戊。伏氏無所不言。豈以其偶談白魚。而遂冒之以造偽一誓之大罪乎。且梅之敵。鄭也。伏生之書。已屬先天。何苦

誣之乎。太誓之說。雖若多端。漢宣帝以前。絕無三篇之說。

史記所載。亦止一篇。史記書凡三篇者必言三篇太誓則不言三篇太誓凡有三

篇者。皆偽書也。太誓三篇。亦梅氏之偽案。而毛反奉之。為

宗器。唯恐其分美耶。

馬融之說。舞文也。馬融雖亦孔學。未嘗見梅書。執梅之太

誓。擊伏之太誓。馬所弗能。馬云。今文者。通指尚書而言也。

古文出壁。安國以今文讀之。上甲孔本胡獨無今文乎。設

今伏本。亦有太誓。自來漆書。不無太誓。馬融亦漆書之學疵病既

均。理當相恕。必不能赦我漆書。單擊伏本也。孔祭酒。前以

馬融此語。為馬融不見梅書之證。見正義毛反以此為馬融

竊見之證耶。

冤詞五

王肅云古文太誓伐紂時事聖人取以為尚書今文太誓觀兵時事當別錄之以為

周書見孔氏正義

王肅必無此言。毛乃引之。余始大驚。今檢本文。太誓疏又舜

文矣。孔疏引王肅語。不過八字。太誓近得非其本經止八字繼引馬融

引婁敬引董仲舒引李顒集註。於是通執兩太誓。斷以已

見。曰。孔穎達已見古文太誓伐紂時事。謂梅本今文太誓觀兵時

事。謂鄭本毛氏並作王肅語讀之。非舜文乎。夫王肅魏人。李

顒晉人。王肅不得引李顒明矣。何以舜之。孔疏誤云。王肅

似竊見孔傳。余前既辨之矣。上庚特其註義多與鄭異。又

未及大行。故偽者屢竊王註。以作孔傳。唐儒反疑王註。出於梅書。毛氏亦依唐儒之言。舞文如是。

李顥集註尚書。於偽太誓篇。每引孔安國曰云云。李顥者晉李克

之子父子皆以文學名孔疏云。安國必不為彼偽書作傳。不知顥何

由為此言。○鋪謂安國當時布滿朝野者。即白魚火鳥之

邪說。一時名儒。伏生董仲舒司馬遷之等。無不尊信稱引。

以為王識安國。亦安能超然獨免。必取白魚火鳥之文。有

所論說。傳其支流。故李顥得引之也。李顥之時周防雜記馬鄭傳註布在人間

此皆安國之支流必有流來之所說為李顥所引况孔書四十六卷。藝文志其

卷明是太誓。上甲不可諱也。孔祭酒每欲推墮孔本之太

誓。歸之伏學。故其言如此。

冤詞六

以二十五篇加所分舜典益稷盤庫二篇
康王之誥共五篇又亡舜典一篇為二十

九篇

藝文志云。安國得其書。以考伏氏之二十九篇。得多十六

篇。

上甲

今梅書二十五篇。既伏生今文之所無。則自不得

為二十九之二十五。是特特新增之二十五篇。毛乃欲和

糠和米。以飾二十九篇一部。豈不撓哉。○今當正之曰。梅

氏尚書與鄭本同者三十三篇。

鄭本三十四篇之內梅氏
去偽太誓三篇增舜典益

稷二篇故為
三十三篇

增多者二十五篇。○孔本梅本頭面既換。節

目頓變。雖盡力推移。極意翻弄。其篇目之奇偶。萬不相合。

何為是枉勞也。

從來二十九篇。是原本之名。此於宮室。猶正寢也。於樹木。猶宗幹也。其餘增多之數。或稱十六。或稱二十四。此於宮室。猶廊廡也。於樹木。猶枝葉也。今取增多之篇。欲篡原本之額。凡情慾所發。無復顧畏如此。

冤詞七

四十六篇者有數篇。合一序者今此五十八篇共四十六序。一序作一卷。

此孔疏之說。

上己

亦偽者之本意。非毛之所創言也。然吾

之所不曉者。梅本之有序無文者。四十二篇。厥既引序。各

冠篇首。而亡篇之序。隨其篇次。介居存者之間。上戊乃其

法例。必一序一卷。則此當奈何。盤庚三篇。為一卷。大禹臯

陶謨益稷爲一卷。咎單作明居。五字爲一卷。祖乙圮于耿。作祖乙八字爲一卷。如是者尚多。或大軸如牛腰。或小簡如蚊翼。豈可以爲模樣耶。梅序孔疏於此一事。未有措處。毛亦末之思耶。

兔詞八

顏師古注漢志五十七篇大序五十八篇引鄭玄敘贊云後又亡其一篇故五十七

其所亡一篇指舜典言

僞者。旣撰二十五篇。五十九傳。故缺其所謂舜典之註。以合乎藝文志五十七篇之額。上戊六於是孔疏以下。皆云梅本亡舜典一篇。然三千年來。堯典不亡。則梅氏之舜典自在。何謂亡之。鄭玄之云又亡一篇者。武成之謂也。孔壁十

六篇中原有武成一篇。

其殘章破句為劉歆三統曆所引見漢書律曆志

其後亡

之故鄭玄云武成逸書建武之際亡。

見武成正義孔又毛斥之為偽武成

又舞文欲借鄭玄之口以證梅氏之亡篇其當於理乎。

余於毛氏冤詞屢見舞文之跡乃清儒王民皞之言曰毛

奇齡蕭山縣人也其地多書吏善舞文故明眼人目毛曰

蕭氣未除。

又云毛姓平生自認知我罪我在馭朱毛之逐字馭未這是天性不畏王法馭朱合處少拗處

多其合處未必有功於儒門其拗處乃反有害於世道又云毛氏今人稱雷公又稱媚公謂其徧身都是刺也王氏

號鵠汀見朴公記其先覺之矣。

冤詞九

桓譚曰古文尚書舊有四十六卷為十八篇又去大禹謨太誓二篇為十六篇。正

義謂張霸補二十四篇而張霸無此事又馬融云十六篇絕無師說皆不淡考

今考桓譚新論云。古文尚書舊有四十五卷。十八篇。其云

四十五卷者。或不數書序。或不數偽太誓也。其云十八篇

者。十六篇之譌。或五十八篇落五字皆不可知。今欲因此舜文。以證

梅書。又非理也。桓譚光武時人。本與揚雄劉歆同輩人安知梅書之

篇數乎。梅書之中。多收古訓。可誦可悅者。大禹謨太誓也。

今又無故去之。何也。太誓只數一篇亦可怪夫鄭本梅本。多少頓殊。

有無相形。其篇目卷額。萬不相合。乃毛氏之詞。見鄭本舊

籍。有云五十七。則節出五十七。有云四十六。則節出四十

六。有云十六。則曰我亦十六。有云十八。則曰我亦十八。凡

西京以來。諸史百家。稱古文尚書。幾卷幾篇者。一以是二

五篇。加減當之。或演而長之。或削而小之。或裂而分之。或東而合之。或以序亂之。或以類附之。或佯云亡之。或勒云去之。胡叫亂嚷。恬不知恥。顧梅賾何人。曲護至此。總由本源心術。疾視朱子。凡朱子所言。必欲背馳。故猖狂至此耳。孔疏未嘗云。張霸補二十四篇。是毛之誤看。已見前馬融謂十六篇。絕無師說。又何云不深考。將云大禹謨等十一篇。有所謂孔傳耶。謂古人不能答。而任加之以誣罔。豈可忍耶。

冤詞十

百篇之名不始孔子墨翟曰昔周公旦朝讀書百篇揚雄曰昔之說書者序以百。

鄭康成百篇其次第不同以湯誓次臣扈後咸有一德次湯誥後。伏書不分堯典臯陶謨顧命則

于百篇之名皆屬謬戾孔傳以三謨屬虞書禹貢為夏書之首亦非

以余所見。周公朝讀書六十篇而已。何者。百篇之內。周書四十。周公無以讀矣。以彼百篇。詆此百篇。則謂孔子未嘗刪書也。不亦過乎。況墨翟揚雄。皆是孔子後人。何云百篇之名。不始孔子。

鄭註夏社疑至。臣扈之序曰。湯伐桀之時。大旱。既置其禮祀。明德以薦。而猶旱至七年。故更置社稷。見正義此用孟子

變置社稷意也。序唯曰。湯既勝夏。欲遷其社。則若湯初年之事。鄭又引之為七年後事。而猶不敢徙而降之於湯誓之下者。必此百篇序次。自古如此。有不敢擅自移易。如梅

氏之爲也。此似顛錯。而真色著外。彼似整齊。而僞跡在裡。何不悟矣。臯陶謨。禹曰。洪水滔天。萬邦作乂。此節。明是玄圭告功。後所奏。而序在禹貢之上。書例異於編年之史。不可拘也。

湯誥者。湯与天下更始。約束諸侯。厥有二戒。一曰進賢以德。一曰安民以惠。此義上接下傳。繼往開來。臯陶曰。知人則哲。安民則惠。大學治平之道。不外乎進賢惠民。此堯舜以來相傳之大訓也。殷本紀有古文湯誥一段。其大意。蓋云。后牧之臣。宜咸有功德。居民之法。在撫綏安輯。於是伊尹作咸有一德。各單作明居。以申明湯誥之義。

殷本紀
宜檢卽

此二篇。生於湯誥。如兩儀生於太極。所以書序於此二篇。不敘事實。以湯誥在上。其義自明也。二篇之於湯誥。如鳥兩翼合成一體。而偽者妄取一篇。移插太甲之下。一德有則三篇俱亡。而用賢惠民之大義至戒。無地可問矣。

伏生百篇之目。未有傳者。亡於永嘉之亂二十八篇之外。其七十

二篇之為甲為乙。皆不可知。何以謂之謬戾。孟子不分堯典。上戊將云孟子之學亦謬戾耶。

所云孔傳三謨。其於春秋內外傳。呂氏春秋引之為夏書者。今並為虞書。上己其謬不可掩。故不得不微貶之。以自附於公論。然此總小功之察耳。說文引堯典臯陶謨皆稱

虞書

唯五品不遜稱唐書梅所據者此也。

冤詞十一

辯士龍作書古文訓其序引于夏學書于孔子有云帝典可以觀美大禹謨禹

貢可以觀事皋陶謨益稷可以觀政洪範六誓五誥甫刑云云

書大傳。孔子曰。六誓可以觀義。五誥可以觀仁。甫刑可以

觀誠。洪範可以觀度。禹貢可以觀事。皋陶謨可以觀治。堯

典可以觀美。

文心雕龍云書標七觀

乃孔叢子。續貂為說云。帝典觀

美。大禹謨禹貢觀事。皋陶益稷觀政。泰誓觀義。

見王應麟考異薛

士龍。槩括二文。稱說如此。皆是梅書之後援。不足取重。何

苦引之。書大傳所載孔子之言。無大禹謨益稷。

薛士龍古文訓稱孔

安國隸古真本其中多奇文詭字亦梅氏之學也

冤詞十二

引令甲所在不敢踰越故安國注論語凡

小子履敢用玄牡節不注湯誥而注云此墨子引湯誓辭○正義謂漢儒皆不見古文予謂劉向劉

歆校中書極悉而孔氏誣之以不見

毛氏令甲之說本是遁辭原夫令甲莫尊於詔旨大序既

云承詔作傳則又何禁令別揭於象魏之上乎金科玉條

不出詔令之外既已降詔許其作傳則雖未及建官立學

其註論語又何不明注篇名敢用玄牡之註斯乃梅氏造

偽之鐵案雖儀衍復生無以有辭查審到此庶幾悟之執

迷遂非將何益矣

劉向校書其脫簡脫字及相異之字七百有餘錄之纖悉

八^{上甲}顧獨於奕奕煌煌大禹謨等二十五篇掩而匿之。不

言其增多乎。劉歆移書博士亦唯十六篇是提。^上平帝

之時。孔書立學。而歆為國師。璜輝皆貴。^上輝以是傳之

賈徽。徽以是傳之達。達以是傳之馬融。鄭玄。^上而鄭玄

之書。仍與梅殊。謂漢儒不見梅書。豈誣乎哉。非誣而曰誣

者。誣也。

冤詞十三

若賈馬鄭三人所受者為杜林本其不見孔壁古文斷有然者。又徐仲山曰

馬融作忠經引大禹謨曰唯精唯一允執厥中此非古文乎

杜林漆書之為孔壁真本。唯賈逵一人寔居樞要。為之確

證。何也。賈逵之學。親接塗暉。而杜林漆書。賈乃作訓。^上六

則雖欲誣漆書為別本。其說不立矣。塗暉之為安國嫡傳。
上雖賁育不能奪矣。○孔穎達云。鄭玄師祖孔學。傳授
二膠東庸生。劉歆。賈逵。馬融等學。
五上庚此時鄭書猶存。親目
閱視。故不得誣之。

馬融忠經引梅氏偽書。凡有三四處。不唯精一執中之句

而已。然今考隋唐書藝文志。無所謂馬融忠經者。獨宋史

藝文志有之。此非新出之偽書乎。
申石泉綽云。朱子之後疑古文者多。故右古文

者作此多引梅忠經稱有鄭註。而馬鄭本傳並無忠經之

說。
宋史藝文志又有王向忠經海鵬忠馬氏若見大禹謨

何云十六篇。絕無師說。

兔詞十四

晉范甯為古文尚書作解猶不得舜典

書經文今無有傳者謂但無傳註之人
案范甯不得舜典者孔疏之文

范甯晉末人生於梅賾之後其所謂不得舜典即梅所言

不足為梅書之實證况慎徽五典以下本用王范之註補

之

上丙三

范甯不得舜典何以有註為人之所取用也毛說

多荒唐如此

范所不得云者蓋
梅氏之孔傳也

隋志所云蓋謂孔壁古經至晉猶存後亦無傳而梅本乃

出也孟子曰桓文之事後世無傳豈謂後人不註桓文之

書哉隋書云今者即撰隋書之時也此時梅氏孔傳大行

何得云今無有傳者

毛氏每云梅賾上傳不上經故今又
舞文以傳流之傳看作傳注之傳以

為梅氏尺上孔傳之證而可得乎

冤詞十五

隋志云至東晉豫章內史梅賾始得安國之傳奏之。梅賾所上孔傳非經文

也乃不善讀書者共言梅賾上偽古文經冤哉請世間人各開眼觀之

言經不能包傳而言傳可以包經何者註經之法逐句立

訓自宋以後始分章

經之不存註將焉傳言毛傳則詩之經在是

也言左傳則春秋之經在是也傳既奏上則經亦隨上未

有不奏其經而單奏其經者孔穎達以鄭註尚書名之曰

鄭註

上庚二

將鄭之本有註無經乎

毛氏執一箇傳字舞文為說以明梅所云孔氏

古經自古有之非今所獻

隋志之稱孔傳亦猶是也何以舞之

冤詞十六

堯典舜典原有二篇伏生誤合為一篇分而出之但不知其分在何處且

失篇首一截。祇以二典之序冠堯典之首。而其文則仍合為一。

堯典之誤合為一者。孟子也。非伏生也。上戊梅氏奏上之

時謂闕舜典一篇。丙三而慎徽以下補以王范之註。則帝

曰欽哉之為鴻溝。以東慎徽五典之為鴻溝。以西瞭然明

白。而毛氏忽欲漫其經界。公然掉頭曰。但不知其分在何

處。何其詐也。蓋知孟子未易摧壓。故別生一計也。孟子之

文不泐。則伏氏得大國之援。梅氏遇勅師之敵。毛為是悶。

欲彌縫其間。泯其罅。豐直欲復合為一。亦唯大序難滅。序大

非毀伏生進退維谷。將若之何。於是合其所分。毛復以慎

病其合一。文分其所合。日毛欲以月正元欲以匡救梅惡不已勞乎。

冤詞十七

此二十八字在王肅注古文尚書十一卷范甯註古文舜典一卷皆有其文。

正義云梅賾上孔傳時猶闕舜典二十八字世所不傳多用王范之注補之

此又舜文也。今詳孔疏。

在玄德外聞下

其云猶闕舜典者。謂孔傳

缺也。其云二十八字。世所不傳者。謂姚氏之前。無攸聞也。

其云多用王范之註補之者。謂補孔傳慎徽以下之缺也。

晉元帝大興四年立學之時所補上丙三

毛氏據此。欲以王范之註證此二十

八字。豈不詐哉。

其意蓋云王范之本原有二十八字故得以其註移而補之

於是堂

堂書之曰。魏王肅註古文尚書十一卷。晉范甯註古文舜

典一卷。皆有其文。有若親手執書。親目睹文者然。不可笑

矣乎。范甯在梅賾之後。

范甯晉末人上距梅賾七十餘年

猶之可也。王肅

之本何得有此二十八字。二十八字出於蕭齊之時。鸞建武四

年則范甯之本亦不能有之矣。王范之本孔祭酒皆能見

之。王肅注十一卷見隋志誠若有之何云二十八字。世所不傳。虞書疏云

晉范甯為解時已不得舜典一篇毛氏纔說此事即云范甯舜典注舜文弄法。一至是乎。朱子

曰梅賾既失舜典故亦不知有此二十八字而慎徽王范五典以下固具於伏生之書故傳者用王范之註補之

本註舊本堯典而已。

冤詞十八

阮孝緒七錄亦有曰若稽古帝舜曰重華協于帝十二字

陸氏釋文云曰若稽古帝舜曰重華協于帝十二字。是姚

方興所上。孔氏傳本無。阮孝緒七錄亦云。見注疏○按此釋

文之意謂此十二字是姚所上非孔所有。阮孝緒七錄亦

云是姚非孔。如我所云也。乃毛氏舜文堂堂書之曰。阮孝緒七錄。亦有此十二字。有若姚方興獻書之前。有大儒阮孝緒者。預言此十二字。載在七錄者然。嗚呼。一至是哉。○阮孝緒字士宗。蕭梁逸士也。居鹿林精舍。著七錄一百一卷。見南史。其人在姚方興獻書之後。設有經本。何足引重耶。

佛祖通載云。普通四年。阮孝緒著七錄。前五曰內篇。後二曰外篇。即佛錄仙錄也。內外圖書總四萬四千五百二十六卷。此數句。應在古經真本。不必崎嶇然作勞也。孔壁增多之篇。原有舜典。則其首句云。曰若稽古帝舜。無可疑也。史記云。帝堯曰。放勛。虞舜者重華。以此推之。帝舜曰重華。無可疑也。惟協于帝三字。未有可據。

冤詞十九

釋文云姚方興所上只十二字更有四句出之王註。案隋志此二十八字一

齊並出從無方興十二字王註十六字之別

今案釋文本無二十八字。出之王註之說。

釋文云十二字是姚方興所上

然方興本或此下更有十六字異聊皆出之於王註無施也

陸意蓋云上十二字。固姚

所獻亦姚他本。並有下四句。

以濬哲至

兩本有異。聊皆著之。

但此二十八字。既古所無。則王註無所施也。

謂王肅未見此二十八字

則王註無所用於二十八字

陸意如此。本無可怒。一時齊出。未足榮也。

兩本差殊。未足羞也。

然此下四句。並是剽襲。王延壽露光殿賦云。粵若稽古帝

漢祖宗。濬哲欽明。王粲七釋云。濬哲文明。允恭玄塞。

毛引此二

文云漢末人引用如此必孔傳舊本原有此文故彼此襲用之方興十六字非偽

舜典當是姚經竊取王賦七釋亦然不唯是也班固東巡頌云

曰若稽古在漢迪哲潘岳碑云允恭克讓宣哲清明鄭司空碑

後漢書頌明帝之德曰聰明淵塞章帝紀晉書贊元帝之德

曰欽明聰哲元帝紀蔡邕碑銘曰聰明睿哲胡太庾信園丘傳碑

歌曰于焉允塞若此之類不可勝數如云此人皆見孔傳

孔傳太爛漫矣或在梅先或在梅後無不順口吐詞隨手

成文豈或沾丐於姚方興而爲之乎商頌曰濬哲維商易

傳曰天下文明商頌曰溫恭朝夕大雅曰王猷允塞既皆

奕奕然經句也城門之軌衆馬所踐離披腐爛萬口同誦

何必姚方興是據乎。

何晏景福殿賦云欽先王之允塞悅重華之無為詳味此句亦非襲用今

舜典文者也

玄德非吾家口氣。老子曰。生而不有。為而不恃。長而不宰。

是謂玄德。莊子曰。若愚若昏。是謂玄德。舜孝親友弟。進賢

黜耶。五典四門。功績可考。何以謂之玄德。漢文躬修玄德。

晉儒雅善玄談。東都賦曰。嗟嗟玄德。蔡邕碑曰。明德通玄。

郭有後漢法真號曰玄德。蜀漢劉備字曰玄德。皆老莊以

後之事。豈虞史所能知哉。幽潛之訓。不知所本。

孔疏直引道德經云

玄之又玄眾妙之門

毛氏每云。帝乃殂落以前。都是堯典。子良孟既然如此。二十

八字。原無所用。胡乃縷縷如此。○毛氏四書說。至孟子咸丘蒙之節。乃曰。伏生尚書。原只堯典一篇。以舊別有舜典。而其時已亡。姚方興始分堯典為二。梅之大序自云分堯典今乃歸罪於姚方興亦不以慎徽五典至末。謂之舜典。而加二十八字于其中。偽書也。自偽書一出。而羣然從改。則是古書一篇。而今誤分之。非古書二篇。而今誤合之也。文止此毛西河之真情也。心知則如此。冤詞則如彼。一人之言乎。二人之言乎。

冤詞二十

宋書禮志魏明帝時高堂隆建議改朔引尚書文曰若稽古舜典曰重華建

皇授政改朔

高堂隆所引。此必孔壁十六篇中。舜典之首節也。余每云

曰若稽古帝舜曰重華九字。不是偽文。理宜然也。孔壁舜
典。文字古奧。絕無師說。而曰若稽古帝舜曰授政朔十字。
皆在堯典。中古文。可以譯解。唯重華建皇改五字。散見諸
篇。當費力也。高堂隆所引。豈無所本乎。但劉歆三統曆應
引此句而不引之

疑是可疑

冤詞二十一

古文之冤始于朱氏。朱氏以臆見
斷之曰此必假書以註屬之門人從

前不分今古文者
特為分之

古文之冤。不自朱子始也。其見於書史者。在齊梁時。有蕭
衍。在唐有孔穎達。在宋有吳棫。其私議燕譚而罷。不能著
顯者。又幾人矣。蕭衍之見。迨邁出羣。上丙孔冲遠。雖迫於

皇詔怵於時議。爲梅書作疏。然其博學精識。終不忍自欺。凡所以證梅之偽。發梅之奸者。靡不搜羅剔浚。載之正義。顧余孤陋僻居。何以知鄭梅真偽。唯據孔氏正義以知之耳。吳才老書碑傳一部。專斥梅書之偽。上辛朱子數語。謹厚朴實。又多調停之論。如訓詁體裁異於誓命之類何云古文之冤。始于朱氏。譬如一等姦宄。見囚王獄。諸臣審理。朱子察其面目。知非正人。孔穎達考檢文案。稽驗年月。執其差舛。發其隱伏。臚列罪目。條開贓物。特其結語漫漶。傳之生路。以順時議而已。吳才老既聽以辭色。復考其文案。特考之。未達其源委耳。堯典虞書等正義一按可知梅偽。

其片言隻字。後世無傳。則佯尊之爲梅氏之淵源。衛賈馬
鄭有訓有傳。有註有釋。則強斥之爲孔氏之別派。王肅皇
甫謚爲梅傳之所憑依。則直戴之爲鄭冲之同隊。搏沙作
飯。鍊鐵爲金。奸心細如蠶絲。巧計密於蛛網。嗚呼。一何至
此。

毛氏不通。每云梅賾。上傳不上經。死中求生。何計不生。而
大禹謨等二十五篇。不載遷史。不載班志。不載劉錄。不載
鄭序。篇目都舛。數額皆溢。將何以漢代所獻孔壁真本。幻
化爲晉代所獻梅家贗物耶。

冤詞二十三

漢代功令最嚴其所極重者莫如學官出此者即謂之逸今文立學稱

尚書古文不立學。即稱逸書。○洪邁云。孔安國尚書自漢以來不立于學官。故左氏所引杜氏輒注爲逸書。

班固在東漢初。撰國史。其作藝文志。首載尚書古文經四十六卷。上甲此即孔安國之真本也。國史事體極嚴至重。非比草茅寒士私作箋註。彼於窮鄙之中。猶復兢兢栗栗。謹書之曰逸書。況此煌煌國史。上紀祖宗。下列勳庸。法令所禁。於是乎觀。顧乃肆然書之曰尚書古文經四十六卷乎。丁鴻楊倫於光武初年。聚弟子千有餘人。以講逸書。御史何以無言。孔氏之尚書。左氏之春秋傳。立則同立。廢則同廢。顯晦皆同。而漢魏諸儒。其註經籍。遇凡左傳所載。皆

直書云左傳不名曰逸傳。奚獨大禹謨諸篇禁令如霜耶。

毛氏極斥宋儒。凡宋儒所言。以白為黑。乃容齋一言不足

取重。何苦引之。左傳引詩曰。翹翹車乘。招我以弓。莊廿又

曰。雖有絲麻。無棄菅蒯。成九年又曰。周道挺挺。我心局局。襄

年又如河水茅鴟。祈招轡之柔矣之類。考之毛詩韓詩並

無其文。故註曰逸詩。其或引書者。考之孔書伏書。時今文已衰

並無其文。故註曰逸書。於詩於書無二例也。豈河水茅鴟

之類亦以其不立學官。而註曰逸詩乎。詩若不然。書亦不

然。

冤詞二十四

劉歆作三統曆所引太誓与古文不合。杜欽議婚禮以關雎為興刺之

作不必不
見毛詩

三統曆不與梅書合。豈唯太誓而已哉。伊訓武成並有差舛。梅之湯誥不合於殷本紀。梅之胤征不合於鄭所引。將云先見者皆誤。後出者獨真乎。

杜欽見毛詩。猶以關雎為興刺之作。容或有之。杜欽見毛詩。以交交黃鳥為關雎之詩。無是理也。劉歆既見梅書。猶以白魚入舟為太誓。有是理乎。

(Faint vertical text columns visible through the paper)

